








*Cha. Chauncy M.D.*



**S**

*George Abrams*





- 20. . .


\$5500-

Landwehr 398

LLXY

JUMJ

=17339



HADRIANI

IVNII MEDICI

EMBLEMATA,

AD

D. ARNOLDVM COBELIVM.

EIVSDEM

AENIGMATVM LIBELLVS,

AD

D. ARNOLDVM ROSENBERGV M.




ANTVERPIÆ,

Ex officina Christophori Plantini.

M. D. LXV.

CVM PRIVILEGIO.





QVORVM PRINCIPVM AV-  
CTORITATE CAVTVM SIT  
CHRISTOPHORO PLANTINO,  
NE QVIS PRÆTER EIVS VO-  
LVNTATEM HAD. IVNII ME-  
DICI EMBLEMATA EXPRIMAT,  
AVT DIVENDAT, IN EXTREMO  
LIBRO DECLARABITVR.

CLARISSIMO SPLENDI-  
DISSIMO Q. VIRO ARNOLDO  
COBELIO, QVÆSTORI ÆRARIO  
HOLLANDIÆ MERITISSIMO  
HADR. IVNIUS MEDICVS.



ANVARI I Calendas  
anni auspices largiendis  
strenis sacrauit antiqui-  
tas. atque ea consuetudo  
iam inde à Tatio Sabino-  
rum Rege in posteritatem transmissa  
est: quem verbenas felicitis arboris ex  
luco Streniæ, noui anni auspices, pri-  
mū accepisse auctor est Symmachus,  
argumento indubitato viris strenuis  
eas conuenire, atque ob virtutem de-  
beri. Decreueram itaque veterum fa-  
ctū imitator non otiosus affectari, or-  
natiss. Cobeli, ac dedicato tibi, missoq;  
strenæ vice libello Emblematum Ca-

lendas præuerrere, sed voluntatē eam  
sedulitas quædam sibi instans nec ferē  
vnquam sibi satisfaciens abruptit: eam  
tamen occasionem elapsam eo minùs  
iniquè patior, quo libri moles magis  
excreuerit, quo Emblematarū numerus  
sit auctior, hoc est, quo largior vsura  
fenori accesserit. Bonæ fidei cōtractus  
rescindi nequit, cōperendinari potest,  
habita fenoris ratione. Itaque seriùs  
ad te xenij loco proficiscentem libel-  
lum, ex corollarij superpondio nihilo  
deteriorē putabis. Neque verò ex pro-  
lixitate captare fauoris auram studui,  
quando vnumquodque Emblemata li-  
belli materia futurum fuerit, si com-  
pendio operosam verborum struem  
prætulissem; ac nisi tam posse occupa-  
to tibi displicere prolixitatem cogitas-  
sem, quàm mihi aut desideratibus aliis  
est grata. Nimirum malui eundem  
mihi linguæ modum, qui est ingenij,  
qui



qui est fortunæ. Scripsi autem plura,  
quàm iniunxeras, vt delectū instituere  
tibi sit integrū, itidem vt sit in lustra-  
tione exercitus, vbi triariis & vetera-  
nis primus habetur locus, capitecensis  
& gregariis numero summotis. Pluscū  
lum operæ positū est cū in reddenda  
symbolorū ratione, quæ obscurior  
paulo est, eo quòd breuitatem captan-  
ti, singulis versuū quadrigis, & pictu-  
ræ typum & symboli rationem inclu-  
dere necessum fuerit, tum in explican-  
do picturæ apparatu, vt ne pictor, quia  
locis disiungimur, quidquam hīc desi-  
deraret. Adde quod impensius & de  
industria sategi, varietate metrorum  
condire opus, vt vniformis lectionis fa-  
stidium hac parte leuaretur. Vale feli-  
citer & nos ama. Harlema sub Idus Ia-  
nuarias.



IO. SAMBVCVS HADR.

I V N I O S V O . S .

A C C E P I tua Emblemata; de quibus etſi  
tu nimium modèſtè ſentis, aliud tamen fore  
publicum iudicium videbis : nam & ſana , &  
varia, elegantiâq; ſunt, & facilè auctorem, of-  
ficinamq; teſtabuntur. Quòd verò mea tan-  
topere expetis , ante Aprilem ob ſculptoris &  
pictorum moram vix apparebunt : quæ ſi vi-  
deris, minuetur deſiderium legendi ea, & verè  
*τῶν κοπρίων ἐκβλητότερα* dices. Tu verò tandem  
nobis Sudam reſtitutum, epithetorum Græ-  
corum explicationes , Nonium, & alia extru-  
das: nec, quaſi nondum abſolueris, otium dif-  
ferèdo quæras; teq; ad alia accingas; vt, quan-  
do Eraſmum veſtrum ingenio æquare cœpi-  
ſti, numero quoque lucubrationum inferior  
ne ſis: dumq; ætas, viresq; permittunt, *τὴν  
τῷ χρόνῳ συνέχειαν συναρεία* quadam καὶ εἰς μῶ  
velut librorū , qui niſi eruditi eſſe nequeunt,  
poſteris repræſentes. Vale, & Sambucū amare  
pergito, ſed minùs laudato: quis enim, quàm  
ego, me nouit meliùs? Antuerpiæ, I I I I . Idus  
Februarij. Anno M. D. L X I I I I .

Repre-

Reprehendere procliue: & animum  
apertum esse debere.



Nocte satius, genitore orb<sup>o</sup>, sum nomine Momus,  
Dente Theonino singula rodo lubens:  
Fingi hominem caussor clathrato pectore; apertis  
Sensibus occultum ut nil specus ille tegat.

A 4

Rabu-



## Rabularum odium.



*Grunnitum suis immundi cane peius & angue  
Indus Elephas inuisum habet.  
Obstreperos rabulas, qui lutibus omnia miscent,  
Odisse par est Principem.*

Gloria

EMBLEMA III.

9

Gloria immortalis labore parta.

*Ad reuerendiss. Cardinal. Granuellanum Ant. Perrenotum.*



*Tortilis, & caudum ore tenens hic termitè lauri  
Ambitur anguis, & ligonem circuit.  
Gloria continuos nunquam moritura labores  
Sequitur, virèns que in ore viuìt perpetim.*

A 5

Impu-



Impunitas ferociæ parens.




*Insultant pauida hic natio musculi  
 Clausis muscipula carcere silibus.  
 Sublató que metu fortè periculi  
 Crescit tunc animus degeneri insolens.*

Vita

Vita mortalium vigilia.

*Ad D. Viglium Zuichemum Præsidentem.*



*Inuigilare libris, studio metirier horas,  
Pars vitæ est princeps: otia vita figit.  
Fama vehit vigiles, sepelit' que obliuio inertes:  
Hoc liber explicatus, clepsydra, lychnus habet.*

Ex



Ex pace rerum opulencia.



*Aureolum dextra gestat Pax Attica Plutum,  
 Laua tenet cornu plenum vberis copia.  
 Glescit opum satias, & rerum copia leta,  
 Pax ubi Marte triumphato viget aurea.*

Quod

Quod in te est, prome.

*Ad clariss. virum Ioachimum Hopperum  
Consil. Reg.*



*Rimaris tundendo sinus tibi pectoris altos,  
Et vitam Soboli das Pelecane tuæ.  
Perscrutare animū, quere in te quod latet intus:  
Ingenij in lucem semina prode tui.*

Calum-




## Calumnia dira pestis.



*Hic radio latifero tacta, velut sidere, Pastinaca,  
 Exuntur celsa pirus deciduā luxuriam comarū.  
 Haud aliter vipereo vaniloquus dēte calūniator  
 Attalicas vertere opes, cōditionēq; potest superbā.  
 Inui-*

Inuidia integritatis assecla.

*Ad Cornelium Susium Hollandiae  
Præsidem.*



*Palma caput tollit calo ardua, cuius ad ima  
Rana loquax, stabulantur & hydri.  
Oppugnāt procures, quorū via consona recto est,  
Degeneres, atque inuida lingua.*

Deside-



Desiderium spe vacuum.



*Cervina potitur rabidus Leo: suspicit catellus,  
 Captat' que rictu prædam inops optimam.  
 Sic hereditæ aliena vorantibus, sed ore  
 Sicco, evenit, quos funeris trahit spes.*

Impro-



Improbè Deum fatigamus, votis vt  
nostris seruiat.

*Ad Splinterum ab Hargen Eq. aur.*



*Latoiden Cadmæa Tyros deuinxerat auro:  
Gradium tenuit compede Sparta grauem:  
Præpete priuarunt penna Victoriâ Athena,  
Quisque suis votis cogit adesse Deum.*

Vxorix dotes.



*Illaqueata sedet pedicis, pudibunda' que velat  
 Vultum Venus Spartana flammeo.  
 Uxorem castus pudor, & constantia amoris,  
 Custodia & sui laris decet.*

Pru-



Prudentia cum robore coniuncta.

*Ad clariss. virum Philippum Cobe-  
lium Regium Consil.*



*Viribus Cyllenius integris stat  
Iunctus cum senio graui.  
Robur inuictum est, sapientia si  
Firmes: qua sine, concidet.*



Principum opes, plebis adminicula.



*Pyramides Phariūm monumēta perennia Regū,  
Errātibus circūligāt hedera sequax brachius.  
Regum opibus firmis plebs sustentatur egenā:  
Mentisq; constans firmitas virescitur perenniter.*

Seipsum

Seipsum vincere, palmarium.

*Ad Arnoldum Sasbotum Senatorem.*



*Pampineis cristatus Epops, vide, ut ager ab vnus,  
Munit adianti se virente ramulo.*

*Se Sophiae monitis mens, serua affectibus, armat:  
Temeti que vires frangit abstinentia.*



Cuncta complecti velle, stultum.



ET TUTTO ABBRACCIO  
ET NVLLA STRINGO.

*Ventosas pueri bullas per inane volantes  
Prendere dum satagunt, opera exit inanis.  
Qui varia attrahat studia, aut venatur honores  
Ambiguos, pueris mihi stultior ille est.*

Coër.



Coërcenda & extirpanda impietas.  
*Ad D. Iacobum Susium virum doctiss.*



*Hostis colubris ales insidet sceptro,  
 Substrata quod Niloi equi premit terga.  
 Domat superbos, impios que proculcat  
 Sceptirum aquitatis, noxios que consumit.*

Audito multa, loquitor pauca.



*Aure concipit, parit  
Mustela fœtum postea in lucem ore.  
Aure dicta concipe,  
Diu at recocta parcius prome ore.*

Proui-



## Prouidentia.

*Ad Iacobum Endium reipub. Holl.  
caussarum vindicem.*



*Quò sacer excurrat Nilus in arua,  
Præsciis, alluuiæ libera ponit  
Oua, monens meritò nos Crocodilus  
Quæ fata immincant antè videre.*

B s

Exiguo



Exiguo contentus, potiora sperans.



*Libat rauca rosas cicada hianteis,  
• Clausas præterit vsui futuras.  
Præsenti fruitur, suo beatus;  
Et fatis melioribus parat se.*

Eru-

Eruditionis decor concordia, merces gloria.

*Ad doctissimum Ioannem Sambucum  
Pannonium.*



*Cor pedibus iunctis, rostris concordibus aurum  
Naupliadae prendunt, munera sancta, grues.  
Gloria debetur studiis, atque affecta merces,  
Concordes que animos candor ubique decet.*

Adula-



Adulator salutē reip. grauis.



*Ut Leo, quem caci vis lancinat effera morbi,  
Sentit opem, si Simium edat, citam:  
Palponem & durum sycophantam qui eiicit aula,  
Rex viru regnum vacuat graui.*

Diuina



Diuina scrutari, temerarium.

*Ad Cornelium Musium Delphum.*



*Immatura sitim Pharia arcet Palma, eadem  
Sensus præpedu, & linguam matura ligat.  
Scrutans celsa Dei mysteria, lingua, animo  
Hæret; at ille sapit qui vestibulum haud superat.*

Virgi-

Virginem pudicitiae, matronam  
domus satagere.



*Cernuus armiferae praebebat Draco colla Minervae:  
Domiportam at exierit Venus testudinem.  
Virgo sui satagit decoris bene provida: at uxor  
Frugi fileat, nec limen excedit domus.*

Medici



## Medici Icon.

*Ad Martinum Aedituum Medicum  
insignem.*



*Sceptriger, & lauro, baculo'q. instructus acerno,  
Quid Draco, quid Gallus vult sibi, quid'ue  
Canis?*

*Imperat hic agris, operosa' que arte medetur,  
Sedulus, & fidus, dignus honore, vigil.*

Fortu-

Fortunæ instabilitas.



*Stare loco nescit certo Sors lubrica, sedes  
 Querere docta novas.  
 Hinc pedibus mutilam, & subnixâ remige pēna  
 Smyrna Deam posuit.*

Sermo



Sermo de Deo apertus, mens sit occulta.  
*Ad Iohannem Becanum Medicum clarissimū.*



*Persea fert lingue similes, sacra Isidi, frondes:  
Typum' que cordis poma turgida exprimunt.  
Sermo, index animi, de numine sentit aperte;  
Cor caco operculo intus arcanum tegit.*

Principis calamitas, priuatorum dissimilis.



*Stat vidua quercus leto honore frondium,  
Quas rapido Boreas decussit asper turbine.  
Princeps autum, seu cui refixerit  
Imperium Nemesis, tuetur is gentis decus.*

Sacer-



Sacerdos castus & animi liber.

*Ad Matthiam Herium.*



*Quid fugitas hederā manib. cōtingere Flamen?  
Solidum quid annulum atque nodosum fugis?  
Illaqueatricem Venerem vitato sacerdos;  
Sis liber animi, nec mali tibi conscius.*

Sero detrectat onus, qui subit.



*Ingo repanda colla sernili effere  
Exuere molliter paras taure irrita.  
Sero recusat, qui capeffuit, iugum,  
Connubium que, munera & ciuilia.*

Idem



Idem salutis & exitij fons.

*Ad Antonium Hofflach Aduocatum.*



*Nos necat elleborus, capris adipē auget, aui' que:  
Idem ignis fomes, & populator opum est.  
Insontem & fontem facundia præstat eundem:  
Nunc est exitium, nunc medicina salus.*

Celeritatem mora, & hæc illam  
vicissim temperet.



*Quid scamno reses, obtendis testudinē & alas?  
Humū hinc premis vestigio, calce hinc calum  
appetis?  
Temperiem cūctis adhibe, remoram iniice; si sis  
Celer nimis, velocitate temperā moram.*

Boni



Boni adulterium.

*Ad Ioannem Zurenium Harlem.*

*Funesto Arachnen flos idem succo replet,  
 Api que mella sufficit liquentia.  
 Concordia litis que idem dictum est parens:  
 Scriptura prauis sica, sit, scutum bonis.*

C 4

Vinum

Vinum ingenij fomes.



*Vuiferum Bromiũ, volucrem sed prapete penna,  
Quid tacite posuistis Amycle?  
Tollit humo ingenium Bacchus, mentem erigit altam,  
Pegaseamque velut vehit ala.*

Quare



Quære adolescens, vtere senex.

*Ad Andream Osteruicum Splinteri filium.*



*Hinc dum viget, duro labore exercitus,  
Ephebus; hinc senex beato Copia  
Cornu fruens, opum & dapis læta satur;  
Iuuenem parare commonent, uti senem.*

## Veneris potentia.



*Quid Cytheræa polū fers vertice? vis mea scādit  
 Cælum, & Ioui dat iura. quid papauera?  
 Sopio corda hominū quāuis fera. roscida quorsum  
 Mala: illices esse has voluptates puta.*

Virtus



Virtus difficilis, sed fructuosa.

*Ad clariss. Hieronymum Tennerum, Regis  
Daniae Cancellarium.*



*Pomum insigne geris Cybeles, dura cute opertū,  
In torulis dulces cui stabulant nuclei.  
Ardua vallatur duris sapientia scrupis;  
Dulcibus ast eadem fructibus illa scatet.*

Femina

## Femina improba.



*Cum ruit in venerè, blanditur Echidna marito,  
Mox satura insertum praecepsit ore caput.  
Improba palpatur, tentigine fervida coniunx;  
Continuò letum poscit anhela viri.*

Malo



Malo oppressus, deterius formidat.



Clathrata cauea macerie clusa columbula  
Incuruis aquile perimetuit carpier unguibus.  
Formidat grauius sollicita mente periculum  
Afflictus: capiti is rite suo consulit & rei.

Amoris

## Amoris ignis perpetuus.



*Hinc tadam vt suus ignis edat teretem, vide  
Illinc vt rapido male liquitur à rogo.  
Visa tabet amans miser igne puellula:  
Absens tabifico haud minus ulcere carpitur.*

Lin.



Linguam compescito.



*Pigram quid alium comprimis caua manu,  
Quid vda labra, quid salax inguen Scythæ?  
Abdominis studium, & grauem luxum fuge,  
Linguam' que frena prodigam vel maxime.*

Deum

Deum &amp; ama &amp; time.



*Mysteriis addicta Memphis ade pro sacra  
 Sphingem bisformem dedicauit, symbolum Dei.  
 Amato numen ceu piis mite, ac placabile:  
 Rursus time, ut vindex inexorabile impiis.*

E. C.



*Εἰς αὐτὴν, siue victrix animi æquitas.*

*Ad Victorem Giselinum.*



*Vis Borea obnixas violento turbine sternit  
Ornos: Arundo infracta eandem despuat.  
Fit victor patiens animus cedendo furori:  
Insiste, Victor, hanc viam & re, & nomine.*

D

Bitium

Biuium virtutis & vitij.



*Hinc luxu compta, inde situ horrida semina pu-  
gnant*

*Alcidem in partes flectere quaque suas.*

*Nititur inculta hinc iuga scādere se duce Virtus,  
Hinc Vitium pronos mergere deliciis.*

Deum



Deum odisse impudentiam.



*Pernix accipiter, piscis, Nili incola dirus  
Equus, quid ordine harent?  
Symbolon hoc loquitur Pharia tria verbula gēti,  
Deus odit impudentes.*

Iræ malagma philosophia.



*Getulus Leo non sic aliud, quàm metuit  
Tadam flamminomam, qua rabies sana cadit.  
Sedit trux animus vel facibus luciferis  
Calestis sophiæ, aut supplicij terriculis.*

Hinc



Hinc dolor, inde fuga, grauis.



DE DVOL/MI STRVGGO, ET  
DI FVGGER MI STANCO

*Quid, Cerue, Cressa fixus arundine  
Laxas habenas præcipiti fugæ?  
Hæc sors amantis, quem fuga concitat:  
Mentem intus exest vulnus atrox nimis.*

D ;

Prin-

Princeps ne cui aures seruas praebeat.



*Sublimem are Iouis statuā, patula aure carentē,  
Sacrarat Minōia Creta.  
Principis est, regnum dextra moderātis habena,  
Seruam ne cui commodet aurem.*

Amo-



## Amoris ingenui tormentum.



*En ut igneum facis corusca lumen  
 Insilit culex proteruus, ac necat se.  
 Haud secus suos Amans misellus igneis  
 Persequens, crucem inuenit, suam que finis.*

## Vxoriar virtutes.



*T estudo premitur pede; clauem dextra retentat;  
 Vacat obstruendo dentium septo altera.  
 Ne vaga discursset coniux, neu futilis esto;  
 Ipsam' que cura opum tuendarum addecet.*

Nec



Nec igni, nec ferro cedit.



*Bipennis hinc, fax inde viuum ignem vomens,  
Nexum adamãte suo decussat annulũ probẽ.  
Fortis animus, constans que, victor omnium,  
Despuit intrepidus pericula & sauas cruces.*

D 5

Venter,

Venter, pluma, Venus laudem  
fugienda sequenti.



*Quò fugitina ruis, quem' ne auersata relinquis  
Gloria clara virum?  
Desero suffultum pluma, Veneris' q. ministrum,  
Mancipium' que gula.*

Veri-



Veritas tempore reuelatur, dissidio obruitur.



*Quid penniger Saturne in auras virginem nudam rapis?*

*Quid seminarum cœtus aggesta obruit terra scrobem?*

*Specu emicantem veritatē, temporis natā, triplex  
Obruere pestis apparat; Lis, Inuidia, Calumnia.*

*Discor-*

## Discordia exitialis.



*Sanguineã quatiẽs hastã, caput horrida echidnĩs  
 Folle focũ subigit, flãma vnde fumusq; exsilit.  
 Exitiale parens animat discordia bellum,  
 Improba lingua mali, cadis' que seminariũ est.*

Candor




## Candor ingenuus.



*Exsorbet saniem hulcerum atra musca:  
Mel dulce haurit apis thymo ex amaro.  
Doctos ingenuus decere candor,  
Obtrectatio luidos putatur.*

Animi

Animi scrinium seruitus.



*Luscinia veris nuncia,  
Mutescit inclusa canea.  
Est seruitus scrinium animi,  
Linguam' que vincolo prepedit.*

Locu-



## Locuples satellitium diuitum.



*Et pilis horret, tractu' que obsertit Iulus  
 Arquato, ac praefert agmine mille pedes.  
 Ansati incedunt procures, glomerant' q. superbos  
 Gressus; assequitur longa caterna comes.*

Assi-

Affiduitas duri victrix.

*Ad Petrum Iunium filium.*



*Fistucas auro triplices, monumenta laboris  
Continui, semper Susia gens coluit.  
Assiduus labor, & sollers industria, quid non  
Edomat? huic cedunt omnia, dura licet.*



QVÆ ratio Athenienses olim mouit, vt cum publicis execrationibus sancirent; ne quis vlli vnquam viæ ignaro indicium denegaret; ea nos quoque ad ducti non nihil operæ sumpsimus in emblematum nostrorum origine, vsq̃. ostendendo: ita tamen, vt inter ea quàm minimùm à vera eorum ratione & natura recederetur. Non enim ignoramus, eo plus venustatis, & gratiæ istiusmodi scriptis accedere, quo ingenium acuiunt magis; hoc est, quo suspensum diutius & sollicitum Lectoris animum tenent; maioreq̃. postea, quàm intelligitur, cum voluptate in sui admiratione rapiunt: præsertim cùm apte, subtiliterq̃. inuenta solidi quid & præclari iucunda obscuritate, quasi obtento velo, tegunt. Itaque, etsi amicorum non nulli melius legentium auiditati consultum iri putarent, si vnicuique symbolo sua interpretatio statim subiungeretur; nos satius tamen esse iudicauimus, ordinem plane diuersum sequi: & alterâ quasi operis partē ipsum facere commentarium; qui, hariolandi, coniectandiq̃. palma prius in medio posita, aut bene iudicantibus deinde succinat, aut minùs assequeutibus facultatem intelligēdi subministrat, ductorisq̃. vel, si ita placet, interpretis vicem subeat. Idem de enigmatis consilium secuti sumus, in quib. ea quæ ibi præfati sumus, herentem facile expedient. Vale.

MOMVS reprehensionis conuiciū que Deus apud priscos fuit habitus, quādo etiam vitis, morbis que, & multis etiam pestibus sua illi praeferunt numina. Hunc Hesiodus poeta in Theogonia Noctis filium prodidit, absque genitore: quo fit ut nonnulli secuti fidem editionis Veneta longè omnium mendosissima lapsi sint: Somnum parentem illi attribuentes. Erroris occasionem dedit vox, ὃν τι, quae, nemini, significat, eam que lectio nem interpretes Graci agnoscunt, & sequuntur; cū alij legisse videantur, ὃν τι, id est, cui, ut referatur ad somnum, non animaduertentes, quod hunc Nocte editum fuisse dixerit, quodque incastum matris cum filio inuecturi sint. Cur autem fabuletur Noctis filium Momum, sine patre: hāc mihi perspexisse rationem videor, tum quod vitiligator in altissima ignorantia atque errorum caligine versetur, & luce ingenij defectus studioque aliena reprehendēdi nihil ipse rectū gignat, sed emissitiis oculis aliena peruideat: tum quod ex occulta & abdita ratione illa carpendi libido nascatur. Sine patre verò, quod incerto auctore & è vulgo plerunque oriatur istud reprehendendi calumniandique studium, quomodo vulgo conceptos



ptos dicimus, qui certum patrem demonstrare non possunt. Ob superiorem rationem etiam fuscum et coloris mustelini faciem pictura illi tribuit, additis nigris & dentibus & unguibus; qui maledicentiae symbola sunt, iuxta illud Epigramatarij: Nigros contorsit liuidus ungues.

Idem alatus pingitur, quod reprehensione, ac maledictis nihil perniciousius; quæ facillimè emittuntur, citissimè excipiuntur, & quaquauersum latissimè diffunduntur, ut sensit Cicero pro Plancio. quo spectat & Alcæi versus:

Μόμης λαίψης ἐξέφυγεν πτέρυγας, id est,  
Pernices Momii pennas effugerat vnus.

Epigrammata græca Momium effigiant senem subiecta manu fulciētem calua tempora; quæ species innuit senile plerunque esse reprehendendi vitium, eoque morbo laborantes vitilitigatores, cogitabundorum more, meditari semper ac comminisci quod carpant. Adiungo illi & Inuidiam indiuiduam comitem: hoc consilio, quod amulatio fermè accendat foueat que istud vitium. Fabula notissima est ex Luciani Hermotimo de sectis, quam compendio recensēbo. Nata inter Palladem, Neptunum, & Vulcanum contentione,

quis utilius opus commonstraret, Neptunus taurum, siue ut alij, equum velut arationi, vecturamque accommodum in primis animal in medium statuit: Pallas domicilium ostendit, cuius usus contra iniurias aeris omnes inferuaret: Vulcanus fictum hominem pro facile praestantissimo opere exhibuit. Delectus arbiter Momus, praeter alia quae carpsit, caussatus fuit in hominis opificio praeteritos fuisse ab artifice clathros, seu fenestellas, peitoris parieti inferendos; per quos, ne quid occultum lateret intus, introspici posset. Idem etiam Veneris sandalium, ut argutum nimis atque loquax, calumniatus fuisse legitur. Porro nihil in vita mortalium tam numeris omnibus absolutum, tam doctum, tam recte factum inuenias, quod non, innatus Momis quibusdam, calumniandi & carpendi morbus conuallat, aut saltem incessat: adeo proclinius fuit saeculis omnibus,  $\mu\omicron\mu\iota\varsigma\epsilon\iota\nu$   $\eta$   $\mu\iota\mu\iota\varsigma\epsilon\iota\nu$ , id est, Momum quam minimum agere. Itaque tum hunc ad sensum refertur Emblemata, quod reprehensioni obnoxia sint omnia: tum etiam ad id, quod prudentissime, doctissimeque dictum à Socrate memorat Vitruuius, oportuisse hominum peitora fenestrata & aperta esse; ne occultos haberent



rent animorum sensus; sed ad considerandum patientes: siquidem corde nihil sinuosius, nihil insidiosius fabricata est natura; ut solius Dei sit sensus & cogitata hominis inspicere atque pernosse.

*Pictura.* Senex pingatur caluus, colore fisco, liuidis dentibus unguibusque, alis supra humeros exstātibus, laua caput sustentans cogitabundi in morem, dextra indice extento versus effigiem quandam hominis, clathratum pectus habentem: adstent procul Pallas cum domicilio: Neptunus cum equo: proximè illum Vulcanus cum homine suo, ita ut simulachrū hominis clathratum diuersum sit ab homine Vulcani, velut Momo designante, talem oportuisse fingi. Quod ad picturam Deorum attinet, ita semel statuo: Neptunus nudus pingatur, capillitio caeruleo, altera tridentem complexus, altera manu equum habena tenens, pede delphinū premens. Vulcanus atro colore ut faber, rugosus propter assiduos ad incudem labores, laua malleū tenens, dextra hominem à se fictum cōmonstrans, claudus, capite praefrens pileum caeruleum, cuiusmodi sermē figura spectatur Ducis Veneti tiara. Palladis effigiem dabo Emblemate 15.

Carmen est Heroicum cum dimetro Iambico, quale illud Horatij:

Nox erat, & cælo fulgebat luna sereno  
Inter minora sidera.

*S* V S animal est infestissimum Elephanto, vique adeo ut vel solo illius stridore atque grunntu audito, immanis illa bellua in fugam agatur; id quod hostilia tela facere nequirent: unde insulsum illud Mahometi, plani & impostoris perditissimi, commentum, risum quibusuis commouere possit, prodētis olim diluuij tempore in arca Noa Suam Elephāti sterquilinio genitura sua originē acceptam referre, ut ex eius fimo enatum. Sed ut hoc ridiculum, quippe ab homine rerum natura ignaro proditum; ita illud confirmat auctorum unanimis consensus: siquidem præter Plinium, Orum, Zoroastrem, Senecam Ælianus libro de animantibus primo, suis stridore minimo terreri elephantum locuples testis est: qua ratione cognita, Romani commissio cum Pyrrho Epirotarum rege prælio, victores exstiterē; cum elephantēs eius regis obiectis suis in fugam compulissent. Memorabile adeo est nec silentio oblitterandum, quod à Megarensibus factum proditur, eodem auctore



Etore l. 16. c. 36. quòd cùm ea vrbs arctissima obsi-  
 dione ab Antipatro Macedone pressa, acerrimè  
 oppugnaretur; oppidani sues liquida pice perlitos  
 prius, admotàq. flamma succensos in hostilè exerci-  
 tum immisere, qui depascente iam illorum corpo-  
 ra incedio, late grassantes, ac horribili stridore in-  
 confertum elephantorum agmen delati, belluas  
 velut in rabiem concitas disturbatis ordinibus  
 in fugam verterunt. Huc faciunt verba histo-  
 rici, quæ nobis integra seruauit Suidas in hunc  
 sensum. E vestigio appensa de turri sue, pericu-  
 lum quod ab elephante ingruebat, euitarunt. si-  
 quidem atrocem grunnitum cùm mox edidis-  
 set suspensus porcus; elephas id non ferens inhor-  
 ruit. Illud verò tanquam controuersum ambigi  
 potest, natium ne sit quoddam atque intesti-  
 num inter hæc animalia dissidium, cuius caussa  
 mortaliū ingens sit incognita; an quod raucum  
 illum stridorem, vocemque auribus asperam  
 natura exhorrescât: cuius rei gnari, qui pullos ele-  
 phantū educant, iam inde à primis annis sues ad-  
 hibet, ut assuetudine paulatim mali illud vincât.  
 D. Amb. in Hexæmero videtur istud referre ad  
 prerogatiuā quādam à natura singulis animāti-

*bus donatam. Suibus aptissimè comparantur non insulsi modò, & à Minerva alieni homines; verum vel maximè lingulacæ, & à rabie non malè dicti rabulæ, qui calum terræ miscent: Item parafiti, quibus similiter ut suibus anima pro sale data videri potest: quod olim venustè dixit Cleanthes: qui omnes si à Regiis exsularèt, rectius cum rebus humanis ageretur. Pictura poscit elephantem auerso capite & crispata promuscide fastidiosum: Suem contrà elephanto impudenter obfistentē, ac retracto victu grunnitum mētientem.*

## Emblema III.

EMBLEMA, nisi fallor, ab Illustrissimo Cardinali Granuellano ANTONIO PERENOTO usurpatum, elegans cum primis, & illustri laborum eius, virtutumque herōicarum assecla, rectèque factorum comite Gloria dignissimum. Videtur autem heros ille, cum omni posteritate nominis sui memoriam qui adæquauit, innuere voluisse, ingentes, ne dicam perpetuos esse exantlandos labores, Herculis ritu, ei qui adspiret ad amplissimum illud virtutis premiū, Gloriam videlicet; quæ concors est & consentiens bonorum rectè



rectè indicantium atque incorrupta laus, eaque perennis; quæ cum vitæ breuitatem, tum iuges laborum periculorumque molestias, sempiterna posteritatis cōmemoratione solatur; hominibûsq. per suos veluti gradus ab humo in cælum adscensum præbet. usque adeò illa altissimi cuiusque & optimi animum noctes, diēsque exstimulat, accendit, atque concitat; ut per labores ad honestissimum illum veræ virtutis fructû, eundemque immortalē peruadat: (nimirum exsulat hinc popularis illa fama, adumbrata quadam illius imago.) Sic ante Salaminem ipsam à mari obrutum iri hæriolatur non falsus Cicero, quàm Salaminis trœpæi, quod Themistocles erexerat, memoriā: priusque Leuctra Bœotia funditus interitura, quàm Leuctrica victoriæ, duce Epaminōda partæ, gloriā. Neque verò huius loci est, aut temporis effusioribus habenis in istius herōis labores, atque inde natam mox gloriā prouehi; cum singularibus ea commentariis debeantur. Pictura autem passim obuia est; ubi ligonem, qui fodiat orbem terrarum, anguis mordicus suam caudāiore tenens circumplectitur: eumque ipsum serpentem laurea corolla medium ambit.

Carmen est Asclepiadecum monocolor, quale est illud  
Horatij:  
Mecenas atavis edite regibus.

NATIVVM dissidium atque internecium  
bellum esse Feli, cum fugace Murium gente, us-  
que adeo ut etiam cinere eius animalis diluto fu-  
gari abigique mures sit proditum, nemo est qui  
ignorat: nimirum à Natura doctam videmus,  
suspensis alto silentio vestigiis, occultoque specu-  
latu, & certo cauda quam vibrat libramine, in  
musculos exsilire: ut nunc inanē ac superuacua-  
m collocaturus operam, si in re clarissima dis-  
ertus esse velim. Monet autem symbolum, cuius  
meminit Suidas, nimia licentia & impunitate  
proposita inolescere homines. Metus supplicij sce-  
lerosos in officio continet: quo amoto aut negligen-  
tius obito, increscit ferocia & sceleratè agendi li-  
bido. Verissimè dictum est in Miloniana, maxi-  
mam illecebram esse peccandi, impunitatis spem.  
Pictura postulat geminas muscipulas, quibus in-  
cluse sint feles, murium agmine liberè choreas cir-  
cumquaque ducente.

NON



NON hic de ea vigilia nobis sermo est, quam  
toto triennio passus fuisse legitur immortalis ille  
omnium scriptis Mæcenas, qui Somni molliciem  
nullis potuit libaminibus, nullis victimis flectere:  
sed de ea que Demosthenē coryphaeum & princi-  
pem oratorum fecit, qua antelucanas fabrorum  
operas praeuerrere magna cum ambitione consue-  
uerat: Sed de ea qua Iulianus Imperator noctes  
dispartitus fuit in triplicia officia, quietis nimirū,  
Reipub. & Musarum: Sed de ea qua Alexander  
Magnus subiecta brachio aenea concha, tinnitu  
complose peluis, ubi pilam argenteam manu tra-  
ctatam remiserāt nerui sopore laxati, euigilare so-  
lebat: Sed de ea quam reuera vitam vocat Plin.  
qua in uis præcipuè viget; in quib. animus inquiet  
opere pascitur; id quod de te dici patientibus au-  
bus non abnuet, Vigli vigilantissime, qua duce tot  
provinciarum commodis assiduè inuigilasti ha-  
ctenus non sine valetudinis dispēdio; qua tot iam  
annis magna cum laude Præsidentem concilij egisti,  
partaque immortalis gloria tibi tuis que eam fa-  
cem præluxisti, cuius nunquam intermoriturus  
sit fulgor, eodem, quo orbis terrarum, termino in-  
clusus. Proinde, qui vere gloriae amore ducimur,  
id nos

id nos ope summa contendere decet; ut & Reip.  
 & in commune consulēdo, testemur nos pluribus  
 horis vixisse, & Sōno temporis furi, aut (ut Ari-  
 ston aiebat) publicano, mediam vitæ partem in-  
 teruertenti, portionem deduxisse. Frugi nanque  
 temporis cum laude dispensatores, à morte etiam  
 fax immortalis, veræ virtutis assecla gloria, nun-  
 quam extinguenda comitatur. Symbolum Vigly  
 vulgatissimum pingēdum erit; quo hinc liber ex-  
 plicitus diligentie, illinc clepsydra temporis par-  
 cē admetiendi argumento, atque horum in medio  
 lychnuchus cum ardente face, post hunc gloria  
 testimonio, libitina imposita simul omnia expri-  
 menda venient.

### Emblema VI.

Hexametrum est carmen cum Dactilico Simonideo,  
 pentimetro acatalectico, quale memoratur illud  
 à Seruio Honorato:

*Parthenopæus erat puer Arcadiæ decus.*

PAVSANIAS in Atticis scribit Athenis  
 exstare Pacis simulacrū, Plutum filium gestan-  
 tis: quod iterum repetit in Bæoticis, ingeniosè fa-  
 brefactum à Cephisodoto statuaria scribens. Est  
 autem Plutus sive Pluto diuitiarū deus: quan-  
 quam



quam diuersissimos hos esse annotat Lilius Gyraldus, manifesti erroris conuictus vel ipso Pausania iudice : apud quẽ priore loco Πλούτωνα πείδα legas; posteriore Πλούτον, eodem sensu. Siquidem Plutonium ideo præfecit diuitiis antiquitas, quòd ex imis terræ visceribus; imò ab ipsis inferis petantur opes. Non absimili ratione Thebis primaria Bæotia urbe, Fortuna statuatam positam legimus apud eundem auctorem, Plutum puerum gestantis, innuere volente artifice, fortunam matrem esse aut alumnam diuitiarũ. Quod ad pietatem attinet: Pax femina pingitur nitido vultu, adspectu pulchra, oleagina corolla redimita, laeta Amalthæa cornu omni fructuum genere redundans, dextra Plutum puerum tenens, claro symbolo, quòd non è bello, sed beneficio pacis crescant opes. Plutus autem puer pingitur volucer, aureus totus, oculatus, teste Philostrato in Imaginibus: nam caci Pluti significatio, ut ominosior, ab hoc loco excludenda est.

PELE-

PELECANVM, quem à rostri magnitudine  
 ῥάμμιον nominat auctor κοίττιδων anonymus, autē  
 paludibus Aegypti peculiarē tradit, prolis suae a-  
 mātissimam, quae pullorū suorum proteruiam at-  
 que impietatem merita morte ulta, mox facti pœ-  
 nitens, pertuso latere suo, pullos mortuos vitali san-  
 guine, quo animantur, irrorat: quod ipsum præ-  
 ter Isidorum commemorat D. Hieronymus, non  
 eadem tamen fide; quippe qui pullis à serpentibus  
 enectis id officij præstari dicant, cū ille ad ini-  
 uriā parenti illatā hoc referat. Nihil vi-  
 rum ingenuē litteratum magis addecet; quā  
 citra omnem dissimulationem nihil occultum  
 premere, quod vsui & commodo esse queat; ita  
 se suasque operas commodare, ut appareat effu-  
 sum benignitatis sinum nulli, nisi prorsus à Gra-  
 tiarum limine peregrinus ille sit, claudere velle.  
 Callimachus Hecalen οἰδοξενίας ἀκλάνιστον σέγ  
 habuisse testatur: Cimonis Atheniensis ades La-  
 ciadis suis patuere: Musarum fores semper aper-  
 te etiam prouerbio teste innotuerunt. Vir et litte-  
 ris & humanitatis artibus imbutus, ut illic; ita  
 hic quod emuletur gnauiter, inuenit: ut nedum  
 benignitate priuatim cōmodus sit; sed & officiis  
 publicè



publicè; ut Reipub. literaria, ut patria, ut amicis, ut viris bonis profit. Is itaque penetrabilia rimatur sua, nihil abscondit, ingenij dotes, quæ varias ad res à munificentissimo. bonorum largitore Deo unicuique tributa sunt, non modo non suppressit, sed claram in lucem profert, totum se denique effundit. Talem te, Hoppere Iureconsultorum coryphæ, præstas communi patriæ, talem amici agnoscunt, talem te Respub. literaria sensit: & nisi concatenatorum laborum, otium illud Musis sacrum interpellantium, circulus, Principum curis inuoluisset, locupletius sentiret, immortalibus fecundissimi ingenij fructibus fruitura. Pictura ratio notior est, quam ut in ea operam collocem explicanda.

## Emblema VIII.

Carmen est Choriambicum Callimachium, constans tetrametro & amphibrachy siue bacchio, quale est illud:

Armipotens Mars genitor Romulida, te, venias, precamur.

PASTINACA is piscis est, quæ Græci τρυγία, interpretes plerique omnes Turturæ perperam appel-

appellant: Hollandis nostratibus, ab aculeata iaculi in modū cauda, Pylstaert nominatur. huius radius (aculeum ita vocat Plinius) tam letalem presentaneique veneni vim habet, ut arboris quantumvis ramosa, ac vegeta, & amoenissimo frondium virore florentis caudici infixus, mox folia desluere faciat: quo amisso honore, truncus quoque celerrimè exarescit, neque multò post siderata, atque è solis immenso ardore, solique squalore exsiccata arbor sit similis. Plinius lib. 9. cap. 48. & lib. 32. cap. 2. huiusce rei fidem facit, nulum vsquam execrabilius venenum esse asserens, quam sit radius in cauda pastinacæ eminens, qui radici infixus arbores necet. hoc telo patrem Vlysem interemit Telegonus, accepto à Circe matre exitij indicio. quam rem graphicè describit Oppianus in *Halieuticis*, in hanc fèrmè sententiam utcunque versibus à me expressam.

Nil Trygonis diro radio exitius vsquam est:  
 Martia non tela, aut nigri quæ lacte veneni  
 Spicula Achæmenidum tinxit gens aspera bello.  
 Vbere stet quamvis foetu, & frondentibus arbos  
 Luxuriet ramis, vernòque virescat honore;  
 Vulnere sitristi radicem punxeris imam,

Mox



*Mox labat omnis honos, coma defluit, ipsa decorem*

*Exuit hinc viridem crudeli saucia tabe.*

*Non minus praesens virus habet exitialis ac pestifera delatoris lingua; quae florentes dignitatibus euertere, fortunis quae omnibus exutos, ad incitas redigere potest. Pingatur itaque pirus florens, cuius quae trunco affixa adhareat pastinaca: sed ita ut radius ille, de quo diximus, caudici impressus clarè videri queat.*

Emblema IX.

*Carmen est Heroicum Archilochio tetrametro catalectico comitatum.*

*PLUTARCHVS in libro, quem de silentiis Pythia oraculis scripsit, commemorat Corinthi in Oeco ( quod adificium à Cypsello tyranno consecratum fuerat ) inter templi anathemata existisse Palmam aeneam, cuius ad radices insculpta viscebantur ranae & natrices, hydros vocant. Emblemate isto, tametsi ad diuersum sensum ibi torqueatur à Diogeniano, innui existimo, à vitiligatoribus ( libenter enim Catoniana voce cum Plinio utor ) obstreperis ac maledicis inuidorum*

*F linguis*

linguis, exitiali veneno armatis, impeti illorum  
vitas, qui non obliqua, sed recta ratione ad digni-  
tates rerum que fastigia emergūt, dissimiles Ruf-  
fini, Eutropy, eius que farine aliorum, prauis ar-  
tibus diuitias & honores aucupantium: quorum  
conatus omnes eò tendunt, ut euersos fortunis om-  
nibus exuant probos & innocentes homines, cum  
isti innocentia sua frēti, calumniatorum latra-  
tus & inuidorum molimina sublimes facile de-  
spuant. Palma ardua, primā que nobilitatis ar-  
bor est, onerum que grauium victrix, frondibus  
nunquam vidua; qua opibus honoribus que pol-  
lentes aptissime exprimit: cuius ad radices posita  
visuntur rane ( quarum rauca illa & odiosa co-  
axatio nulli ignota, calumniatorum significatio-  
nem haud dubiam habet. ) & hydri, nullis ser-  
pentium veneno inferiores. si Plinio credimus: per  
quos virulentius inuidorum alienam famam in-  
cessentium sibilus denotatur.

Loga-



Logædicum Archilochium, Ithyphallicum Marius  
 Plotius nominat, cuiusmodi est illud Flacci.  
 Soluitur acris hyems grata vice veris & fauoni,  
 Trahunt que siccas machine carinas.

PINGATUR Leo otiosè recubans in gramine non procul ab armento pascente, raptæ prædæ mordicus inherens: ita enim solet ex omni numero, quantumvis ingenti fame stimuletur, unum pecus diripere comedendum: adstet illi Canis limis feram suspectans, & prædæ ingratæ (quod dicitur) oculis frustra deuorans. Symbolum optimè quadrat in haredipetas, qui alienis funeribus inhiant, & per mortes incerta spe bona aliena captant, sapius delusi, ut iuuenis ille apud Lucianum in dialogis, quem mors inopina ante senem, cuius funeri propter summas opes imminebat, rapuerat. Competit & in quosuis qui ambitu tenentur, & sacerdotia aut honores, liis possessos venantur.

a

F 2

MEMO

MEMORIAE proditum est à Diodoro Siculo Bibliotheca decimosextimo, & à Q. Curtio, Tyrios eximia religione coluisse Apollinem: cuius numen sibi tutelare ut propitiarent, sibi que modis omnibus conciliarent, tēpore obsidionis, quam grauiem & funestam ab Alexandro Magno experti sunt, simulachrum eius Dei aurea catena basi columna, cui insistebat alligasse, ut ille scribit; aut ut alter, ara Herculis vinculum illud inferuisse, velut illo Deo Apollinem retenturos. Similiter Pausanias in Laconicis refert peruenitum Sparta exstare simulachrum Martis compedibus irretiti, quo vinculo proprium sibi ac Reipubl. perpetuum bellatorem illum Deum, nec unquam suae urbis desertorem futurum, velut in peculio obligatum voluerunt. Neque aliorum Victoriam deam, cui pennas dedit, volucrem que finxit antiquitas, ἀπ' ἑγοῦν, inuolucrē, aliis que orbam & fano & statua decorarunt Athenienses, augurantes perennem ipsis fore Deae praesentiam, negatis illi alis quibus auolaret. Gētilitatis delira somnium istud fuit, nimis quā superstitiosum, existimantis quali quali honoris obsequiūque lenocinio, Deum in vota nostra, eaque perfunctoria & inuti-



inutilia pellici, ad modū pueritia, quæ crepundiis deliniri capique solet; atque ita in ordinem cogi posse. Quare stultū est, ne dicam impium ac profanum, putare diuinum numen toti mortalitati iuuanda comparatum, tam pusillum esse & otiosum, ut palpationibus tantum non nostris ac veluti poppysimis titillationibus que cedat & expugnetur. Pingantur tres isti dii seorsum in templis concameratis, Apollo catena aurea columnæ alligatus: cetera peculiaria indicia Fulgentius & Cornutus ista tradunt, nempe ut pingatur iuuenis, imberbis, capillo promisso aureo que, laureo sermo redimitus, cum arcu & sagittis in dextra, citharam tenens laua, cum Cornu aue illi sacra adstante. Mars sit compedibus vinctus, alioqui loricatedus, galeatus, pugnione accinctus, flagellum manu tenens, ut Albericus philosophus scribit, altera clypeum, nudo pectore, ut Isidoro placet, cum lupo animali ipsi sacro, aut gallo secundum alios. Victoria, quam apteron, id est, inuolucrum dixerunt Athenienses, pingatur sine alis, virago ut solet dextra manu punicum malum tenens, laua cassidem: nam hac specie colebatur Athenis, ut Heliodori testimonio cōfirmat Harpocraton:

posterī deinde sculptores alas illi iunxerunt, nimirum Bubali pater Anthermus, aut, uti Aristophanis scholiastes vult, Aglaophon Thasius pictor; quam alis aureis ornat Comicus Aristophanes illo versiculo:

Αὐλῖνα πέταλα νίκῃ πλεόγον χρυσῶν.

Mox aureis pennis volat Victoria. Exstitit & Roma simulacrum Victoria alis viduum, quæ calitus tacta defluerat; in quod Pompeij titulo epigramma legitur, in hanc sententiam:

Roma caput rerum, nunquam tua gloria obibit:  
Nam victrix Dea te haud deferet inuolucris.

#### Emblema XII.

Carmen est hexametrum, cui associatur Alcmanium constans trimetro brachycatalectico, ut est illud: Spernis decore virginis toros.

SPARTÆ in templo Veneris Armata contiginationem fuisse exstructam, quæ Veneris cognomento Morphus, à forma (ut apparet) dicta, numini fuerat sacrata, memorat in Laconicis Pausanias: simulacrum erat ex cedro factum, sedentis habitu, compedibus vineta, caput obnubente flammeo, siue calyptra: addit Tyndareum Dioscuro-



*scurorum patrem pedicas illas adiungi curauisse, fidei symbolo, quam maritis deberent uxores arctissimam: tametsi illius infelicitas in filiabus prostituta pudicitiae macula famosis, à Stesichoro Lyrico prodita, satis que decantata est. Porro compedes indissolubilis vinculi coniugalis & arctissimi amoris significationem habent. Flammeum verò (quod luteum est capitis velamentum) & pudoris argumento capiti imponitur, & fausti ominis ergò, ceu connubij indissolubilis. Illud de pudore declarat Claudianus in raptu Proserpina, ibi: Flammea sollicitum praelatura pudorem. & Lucanius Pharsalidos lib. 2.*

*Non timidum nuptae leuiter tectura pudorem  
Lutea demissos velarunt flammea vultus.  
Postremum confirmat flammei vsus assiduus  
flaminis uxori, cui diuortium facere nulla ratione leges permittebant. Sedens autem meritò pingitur, vagæ Veneris odium insinuans. Pingatur Venus subsellio insidens, pedicis constricta, vultu flammeo oblecto, nuda, dextra Cupidinem videntem cõplexa, sinistra tria mala aurea ferens: adstent illi gemina columbae, aues illi sacrae, Cornuto teste, cum propter puritatem, tum propter illices*

*blanditias, quarum indicium facit frequens harum animum suauitatio. Nihil autem magis decere honestam matronam, quam velatam conspici, vult D. Clemens Alexandrinus, exemplo Creiſæ uxoris Aeneæ, quæ ardente iam patria non dum abiecerat curam velaminis.*

### Emblema XIII.

Carmen est Sapphicum præpositum Glyconio, quale illud Boëtij:

*Cum polo Phæbus roseis quadrigis  
Lucem spargere coeperit.*

SYNESIUS libro de Regno administrando ad Arcadium, vel, uti Nicephorus vult, ad Theodosium iuniorem scripto, negans in viribus solis positam esse felicitatem principis, eam prædicat esse absolutam omnibus numeris vitam, quæ potentiam prudentiæ consociat: quæ res coniunctæ robur inexpugnabile conciliant; disiunctæ verò inuolidum & inutile: quâdo videlicet aut robur prudentia sit destitutum, aut prudentia viribus defecta. Quapropter, inquit, sapientes Aegyptios in hoc sum admiratus frequenter, qui geminū Mercurij simulachrum simul constituunt; alterum iuuenta florentis, alterum maturo senio venerandi: volentes



volentes innuere, eum, qui rectè Rempub. aut regnum sit administraturus, coniunctam cum prudentia fortitudinem habere debere, quasi alterutrum inutile sit absque alterius ope. Neque alia de caussa Sphinx apud illos pro templorū foribus posita visitur, & quæ sequuntur infra XLII emblemate recitata. Huc spectat Hor. illud: l. 3. Ode 4. Vis consilij expers mole ruit sua.

Vim temperatam Dij quoque prouehunt

In maius: iidem odere vires

Omne nefas animo mouentes.

Eandem sententiā comprobat Isocrates ad Demonicum scribens. Robur cum prudentia coniunctum prodest, qua sine, plus habenti incommodat. Quod ipsum & Milonis Crotoniatæ exitus abundè docuit.

#### Emblema XIII I.

Hexametrum versum sequitur Aristophanium metrum tetrametro brachycatalectico absolutum: seu tetrametrum Colurum: ita namque à Mario Plo-  
tio, cuius libellum de metris aliquando inuulgabinus, nominatur, quale est illud:

Marcent lucernæ, sol propinquat, non tamen vocas.

PYRAMIDES, quas otiosam ac stultam regum Aegyptiorum pecunia ostentationem nomi-

nat Plinius, vastæ fuerunt & insana substructio-  
num moles, aliquot soli iugera cõplexa, partibus  
fermè quatuor angulorũ lateribus ab imo in acu-  
men desinentes, sic dicta, quòd in ignis speciem, in  
conum extenuentur; quarum fastigiata excelsitas  
pauulatim gracilescēs, umbras quoque consumit,  
ut, præter Solinum, Ammianus scribit lib. 22.  
Fuisse eas regum Aegypti monumenta, & inter  
septē orbis miracula habitas tradit geographus  
Strabo. Quia verò inconcussa vel maximè, stabi-  
lissimãq. inter omnes figuras figura quadrangula,  
Galenò teste, habetur; hinc est quod monarcharũ  
aut regũ fortunas huic cõparari appositè credam:  
aut etiã constantis animi virum, qualē describit  
Catulum Cicero, quem neque periculi tempe-  
stas, neque honoris aura potuit unquam de suo  
cursu, aut spe, aut metu dimouere. Priori rationi  
hedera aptè conuenit, utpote sese ipsa sustinere  
prorsum que serpere impotens, ni pedamenti ad-  
miniculo utatur, ac flagellis suam muniat imbe-  
cillitatem. talis est plebis ac minoris conditionis  
hominum status, quibus principũ opes fulcimenio  
sunt & ornamento. Neque posteriori rationi ab-  
sonus est vinax & perennis huius plantæ viror:  
quip-



quippe cū magnanimi & fortis viri, qui humana omnia premit, et ad omnes casus infractum gerit animum, laus cum aternitate certet, perpetuò victura. Diuersa planè hinc ratio est hederæ arborem scandentis, ut quæ solet succū vires' que illius omnes in se rapere ac demum enecare: quod in eos quadrat qui alienas opes sub titulo & prætextu patrocini in se corriuant, atque emungunt. Aliter etiā Marcellinus li. 15. hederæ cōparationem ad opulentos transtulit, apud Imperatorem delatos, qui præsidia potiorum pulsabant, iisdemque tanquam hederæ excelsis arboribus adherentes, absolutionem precibus mercabātur. Sunt qui emblematis huius significationem calumniati, ad creandam principi cuidam viro, qui hoc symbolo vititur, inuidiam, eius sensum aliò detorserunt, velut qui circumfessum tenuerit Galliarum Regem et hederæ instar circumplicatum, ne quis ad eum pateret aditus sine ipsius assensu. Sed istud quid aliud est, quam genuinum emblematis sensum corrumpere, atque peruertere, & animam illi adimere.

Herói-

Heroicum cum Iambico trimetro.

VPVPA auis est cristata, plumis in capite  
instar cristæ plicatilis subrectis, quam Galli, vn  
hupe, appellant. Hanc scribit Orus ubi senserit  
ex vuarum, quas appetit summopere, esu nimio  
noxā se iucurrisse, decerpta adianto herba, quam  
officinæ capillum Veneris nuncupāt, mederi sibi,  
ramulum que eius herba ore circumferentem, ob  
ambulare. Quibus temulentia valetudinem con  
cussit atque labefactauit, ij abstinentiæ ramulo se  
lustrent. Qui affectibus violentis tyrannis, aut  
(ut voluit Plato) loris restibus ue nos ultro ci  
troque in diuersos motus trahentibus, obnoxij  
sunt, ij à diuinis placitis & verbo diuino reme  
dium petant, & mentem, quæ passionibus illis ani  
mi turbidis tanquam regina quæpiam imperare  
debet, obmuniant: quæ victoria primaria est &  
potissima, seipsum vincere. Qui peccata sua rite  
expiari cupiunt, lustrent se lachrymarum adper  
gine & immerfabili pœnitudinis ramulo.

Metrum



Metrum hexametrum, cui subiungitur dactylicum  
Stesichorium, à Stesichoro, cui familiare fuit, no-  
men sortitum, constans pentimetro acatalectico,  
quale est illud à Mario Honorato recensitum: .

*Marsya cede Deo, tua carmina flebis.*

PINGATUR puerorum grex geminus, quo-  
rum altera pars bullas sue pompholygas è con-  
chylis (in quo smegma, quem saponem dicimus,  
cum momento aqua commistum sit) in aëra dif-  
flet: altera easdem iridis in modum discoloris &  
purpurascens sectetur atque comprehendere stu-  
deat, sub quorū pedibus non malè subscribi possit  
diuerbium illud Italæ in ore frequens, ET TV-  
TO ABBRACCIO, ET NVLLA STRIN-  
GO. Nemo nescit bulla nihil esse vanius aut ina-  
nius, cōparata illi iam olim caduce mortalitatis  
umbra. Itaq. quadrabit aptissimè in eos qui diuer-  
sis artibus scientiisue animum adiiciunt simul,  
varia in studia distracti: aut qui pluribus mu-  
nitiis honoribusque simul inhiant: aut quacunque  
tandem in re insatiabili animo nusquam satisfac-  
ientes huc illuc nutant. hi namque parum profi-  
ciunt, suāque spe elusi sæpenumero discedunt.

HIP-

HIPPOPOTAMI impietatem immanem esse, monumentis litterarum proditum est à veteribus; adeò ut ne patri quidem, per quem vita vrsuram accepit, parcat: qua de re etiam alibi scripti. At ciconiam serpentium certissimum esse exitium nemo insitias inuit, qui eam longis colubris inuisam dici Virgilio didicerit: qua de causa necasse ciconiã capitalis noxia fuit apud Thesalos, quòd eorum regio prouentu serpentium abundaret, si Plinio credimus. Sceptrum verò gestamen Regum, qui priscis sæculis iudices erant causarum; ac proinde etiam iustitiæ dicatum fuit. Quo symbolo indicatur impietatem ( quæ vitiorum omnium fundamentum est, & qua flagitia ac scelera omnia continentur ) coercendam esse & vindice gladio castigandam, atque è medio tollendam, non secus quam à ciconiis solet serpentium genus. Res per se clara est. Equo fluuiatili in dorso erigatur sceptrum, cui ciconia insistat.

Metrum



Metrum est Archilochium acatalecticum, comitatum Iambico Hipponactio, cuiusmodi est illud Flacci:

Non ebur, neque aureum

Mea renidet in domo lacunar.

**MUSTELAM** ( inquit Plutarchus libro de Iside & Osiri ) plerique arbitrantur & affirmant per aurem initum pati, atque concipere, sed ore partum edere, natalium sermonis quadam similitudine. Anaxagoras, alij que nonnulli phisici prodiderunt. Mustelam pariter & Ibin ore parere; teste Aristotele libro de generatione animalium tertio, cap. 6. quorum sententiã illic conuellit. Aristes ut istud ipsum confirmat, ita paululum detorquet symboli explicationem. sic enim sonant eius verba. Mustela auribus cõcipit, quod ore parturit: itaque eius esu interdiclum est. Leuit. 11. Indeis; ut hoc symbolo insinuaretur, perniciosissimũ esse homini morem, quod, quæ auribus acceperit, eadem verbis exaggerans maioribus malis inuoluat. Hugo Card. in superiorem Leuitici locum euariat nonnihil à predictã opinione; siquidem mustelam marem ore generare, feminam aure concipere annotat: quam fideliter, ipse viderit. Orus etiam mustelũ piscem huic cognominem

minem ore parere scribit: similiter & Ζεξες. Huc allusum videtur à Lycophrone in Alexandra tenebrosissimo poëmate, cum Medusam Gorgonem appellat δεισπραΐδα γαλῆν, id est, Mustellam iuguliparam, velut collopuerperam, propter fabulam, quæ fingit Chrysaërem & Pegasus à ceruice eius exstitisse, truncato illius capite. Ad symbolum faciunt Epicteti verba admonentis à natura mortalibus unicam datam esse linguam, aures geminas; ut loquendis audita duplo sint plura. Demonactis apud Lucianum documentum est auribus sapius quàm lingua utendum. Epaminondas à Pindaro laudatur hoc nomine, quod haud facîle alter inueniretur, qui plura sciret ac pauciora loqueretur. Picturæ ratio per se euident est.

## Emblema XIX.

Alcmanium est dactylicum tetrametrum hypercatalecticum, simile secundo Boetij carmini, cuius initium:

Heu quàm præcipiti mersa profundo.

CROCODILVS, cui à croci metu nomen est, exitiale malum, quadrupes utroque elemento infestum & terra & flumine, linguæ expers, dentibus



dentibus serratis, eorumque ordine peccinatim se stipante, maxilla inferiore immobili, unguibus immanibus, cute adeo inuicta, ut ictus tormento quonvis adaectos eludat atque reperiuiat tergore, metatur locum nido prædiuinatione quadam & naturali prouidentia eum deligens, ad quem summus Nili auctus eo anno sit accessurus: neque aliibi incubat oua, quæ candida sunt anserinis similia. Hæc de Crocodilo ex Plinio lib. 8. ca. 25. Solino cap. 45. Marcellino lib. 22. & Herodoti Euterpe. Addit Plutarchus libro de Iside, Aegyptios certum conicere Nili incrementi terminum ibi fore, ubi oua excluserit femina: nam cum in humido fouere nequeant Crocodili, & procul à fluminis alueo parere metuant, ita exactè præsentunt naturæ tacito instinctu quod futurum est, ut accessu fluminis in pariendo, incubandoque (quod alternis obseruant mas & femina) utantur, atque ita oua arida & inhumecta conseruent. Monemur prudenter rerum satagere, longèque antè consultare atque videre, quàm quid statuamus aut agamus.

G

Carmen

Carmen est Phalecium à Phaleco inuentore sic nuncupatum, quod & hendecasyllabum à syllabarum numero, quale illud Martialis.

*Vitam quæ faciunt beatioorem.*

*CICADA insectum est, quod rorem lambendo viuit, nec alterius alimonie indigum, cantu se oblectat. Pingi possunt plures cicadæ, quæ flosculos ( qui ad ornatum varij pingantur ) dehiscentes & explicitos, rore madidos, aduolent ac depascant, à ceteris, qui etiamnum intra calyces suos siue alabastris abditæ latent, abstineant. Qui sua sorte, licet exigua, contenti sunt, bonis presentibus fruuntur: liberali interim spe ducti, fore, ut aut industria aliquid adiciat, aut principum liberalitate accedat, aut hereditas portum ostendat, quod omne lucro deputant, & veluti probè sibi fœneratum prætereunt. Non dissonum hinc est Italicum hendecasyllabum.*

*Di questo mi contento & meglio spero.*

INSI-



INSIGNIVM vsus peruetustus est, quando Anubin & Macedona, Osiridis filios armorum insignibus vsos fuisse iam tum memoria prodidit Diodorus, canis exuuio alterum, lupi rostro alterum, tanquã animalibus ab ipsorum natura non alienis. sic Tydeus apud Aeschylum in clypeo depictum præfert calum stellatum, cum luna medium umbonem occupante: Hippomedon Typhonem fumos ore efflantẽ: Parthenopæus Sphingem: Perseus Gorgonis colubriferum caput, Veneris genetricis Iulius, alij Pegasos, Minotauros, Harpyias, Leones, Vrsos, Aquilas, Angues, Fuscinas, aliud aliud. At gentis tuæ istud insigne aut symbolum, Sambuce doctissime, non otiosum ac iners, aut ingloriũ existimo, in quo visuntur binæ grues (non sine causa Palamedis, vnius inter omnes Græcos sollertissimi artium insignium inuentoris, aues nuncupatæ) hinc pedibus saxum, firmitatis argumento, illinc cor, fontem & retinaculum omnium honestarum actionum, concorditer complexæ, rostris que annulum aureum, cen debitam sibi mercedem appetentes. Multiplex hic cognitio animum simul præstringit: nam uti Grues altiuola sunt, nubila volatu tranantes; ita doctissimi

mus quisque non humo assidet, sed mente caelestes  
etiam sedes adit, imò penetrat; neque id solum,  
verum etiam gloria aeternitatis affectatrice, sidera  
pulsat, & nubibus caput inserit. Eadem etiam  
vigiles, quod noctu lapidem pede sustinent, ut op-  
pressas somno, laxatis nervis, strepitus cadentis  
lapidis expergefaciat, diligētiae summæ indicium  
faciunt. Quam istarum animum sollertiā in exem-  
plum rapuisse mihi videtur Alexāder Macedo,  
non abs re Magni nomen adeptus, qui globum  
argenteum brachio capiti subdito tantiſper con-  
tinebat (quoties lucubrandum illi erat) dum re-  
misso nervorum tenore delapsus, tinnitu peluis  
subiectæ, somnum illi abrupisset. Annulus verò  
(quem Promethei inuentum perperam, ut quo  
ipse Caucaſo alligatus fuerit, alij Lacedæmonijs  
falsò attribuunt, quod ferreus illis in usu fuisse  
legatur) in se recurrens & ἀπὶ ὧν, immortalita-  
tis nunquam ullo sæculorum spatio finiedæ index  
esse meo quidem iudicio videtur. Quòd si hario-  
lari in re mihi obscura licebit, crediderim duorū  
coniunctissimorum fratrum operam præclaram  
Principi aliquando suo nauatam, maxima con-  
stantia pari que cōcordia, ista genti tua peperisse  
insignia,



insignia, laudabiliore ratione, quàm cicatricum  
 insignia Salustianus ille commendavit, ut, quibus  
 gloria infinitas, annuli opes, adamantis argumen-  
 to à Principis liberalitate honestamentum ac de-  
 cus accesserint. Effigiationem quid attineat præ-  
 scribere, cùm per se ipsa è superioribus abunde  
 elucescat.

## Emblema XXI.

Carmen est Heroicum cum dactylico Alemanio te-  
 trametro acatalectico, cuiusmodi est illud Boëtij:  
*Tunc me discussa liquerunt nocte tenebræ  
 Luminibus'que prior redijt vigor.*

ORVS Apollo qui Hieroglyphica scripsit,  
 refert Leonem, ubi febricitari (familiaris autem  
 huic feræ morbus febris est, præsertim quartana,  
 si Phileti, qui de animantibus græcè scripsit car-  
 mine, credendum est) simia solere vesci, saluber-  
 rimæ escæ loco. Non repugnat Plinius, nisi quod  
 morbi vim eleuans, ægritudinem fastidij tantùm  
 sentire dicit, in qua medetur sibi, gustato simia-  
 rum sanguine, quæ lasciuiæ immodica in rabiem  
 eum agunt. Confirmat idem & Philostratus lib.  
 de vita Apollonij tertio: Leones medicina gratia  
 simius insidiari scribens. Quin & Aelianus em-

nigena historia lib. I. cap. 9. agrotanti leoni cetera remedia inutilia scribit, præter simiam, cuius esu pristinam valetudinem recuperet. Idem in libris de animalibus lib. 5. cap. 39. medela rationem & morbi discrimē distinctius his ferè verbis aperit, Leo, inquit, supra modum ingurgitato cibo, remedium querit, aut à quiete abstinentiæque aut simiam nactus denorat: quo cibo alui proluuium excitatur, molestæque saburra exoneratur. Simiis aptissime comparari possunt impostores, assentatores, & parasiti, qui ad gratiam loquuntur, & principum auribus insidias faciunt: siquidem  $\delta\mu\omega\mu\iota\theta\eta\kappa\omega\varsigma$  velut populares Simias vocat Aristophanes eos qui plebi assentantur & obsecundant, quando &  $\mu\iota\theta\eta\kappa\iota\zeta\epsilon\omega$ , quod Simiari notat, pro fallere, græca lingua usurpat: est enim animal istud ad imitandum omnia dextrum, & habile. Tales autem pestes si quis aula exturbaret princeps, nã ille verè Augiæ stabulum repurgeret, & cum Hercule ac Constantino monstrorum domitor dici posset: hoc enim Aurelius Victor Constantino tribuit, qui aulicas illas perniciosas, tinea sordicesque palatii appellare solebat, ut Anaxilaus opum vermes: quibus confectis & expul-



*expulsis, ad incolumitatem rerum & sanitatem  
cuncta redire posse, non iniqua spes est.*

## Emblema XXIII.

Cyrillium metrum est, constans pentimetro hypercatalectico, quale hoc:

*Pulchra puella comas ambit sibi palmitibus.*

**PALMA** *Aegyptia, Theophrasto à fructu  
Balanus dicta, arbor est magna, non recta, sed con-  
torta, folio myrto simili: Dioscoridi (à quo pictura  
peti potest, expresso eius uno ramo) πῶμα, à succi  
copia qui in poculi vicem conuertitur, & ab ar-  
cenda siti adipso quoque vocata. Hæc priusquàm  
maturuerit decerpta, sitim sedat: sin matura su-  
matur, sensum intercipit, gressum præedit, lin-  
guam retardat, & obsessis metis ac corporis officiis,  
ebrietatis vitium imitatur, ut Solinus memorat,  
cap. 45. memorabilem. Admonet hoc symbolum  
curiosam & profundam diuinarum rerum inue-  
stigationem, eamque maturis iam fructibus fa-  
ctam, hoc est, ab iis qui mysteriorum omnium co-  
gnitionem absolutam se adeptos putant, periculo-  
sam esse: nam quo alii isti laborant arcana de  
Deo eiusque uniformi Trinitate perferutari, hoc*

maioribus altioribusque tenebris inuoluuntur,  
& in diuinitatis abyssum ineluctabilem corruunt.  
Simonides sapientia nomine percelebris olim, ro-  
gatus ab Hierone Syracusarum rege, Deum ut  
sibi definiret, poposcit sibi diem unum: postridie  
rogatus ut fidem exsolueret, bidui spatium petiit:  
cumque saepius dierum numerum ingeminaret,  
atque Hieron admirabundus eius facti rationem  
requireret, respondit sibi tanto intricatiorem ob-  
scurioremque videri rem, quanto diutius consi-  
deraret. Quò spectasse Aegyptios sacerdotes pu-  
to, qui sonum tantum vocalium litterarum incon-  
ditum accinebant, indicantes se nulla ratione de  
Deo certi quid & explorati posse expromere. In  
hanc sententiam detorsit istud symbolum Hugo  
Eterianus, non postrema eruditionis Theologus,  
cùm de Spiritu sancto aduersus Græcos disser-  
turus sic initio operis loquitur. Dum supremæ phi-  
losophia principium delubare aggredior, aquatica  
mihi videor testudini esse similis, quæ fretum tra-  
nare cupiat: stupore cogitatus obsidetur; mens ta-  
bescit; lingua tanquam Aegyptiam palmam, quæ  
apud Græcos Adipsos (malè enim adiperos ibi  
legitur) vocatur, gustauerit, retardatur. Appositè  
me



me hercule symbolo usum vides, in explicanda  
 prouincia, quam arduam aggrediebatur, difficul-  
 tate: nam diuina natura ne angelicis quidē, nedū  
 humanis linguis enarrabilis est, aut comprehēsi-  
 lis, ut D. Martialis Lemouicensis Episc. scribit  
 in epist. ad Burdeg. quod ipsum & Plato non ta-  
 cuit, Deum indictū & innominatū vocans, quem  
 inuenisse haud sit facile; intellectu comprehendere,  
 impossibile: aut, ut Hermes Trismegist<sup>9</sup> inquit,  
 'Deum mente complecti res est ardua, sed sermo-  
 ne enunciare, impossibile. Huc spectat Iambus an-  
 tiquissimus quem ex ore Socratis fluxisse, lib. de  
 recta Confess. memorat Iustinus martyr.

Οὐδὲν γὰρ ἀνθρώπιν τῶν θεῶν σαρξ, id est,  
 Rerum diuinarum nihil mortalibus exploratum  
 est: quo innuitur, qualia sint diuina, non esse in-  
 quirendum scrupulosius. Præstat itaque immatu-  
 ras palmulas decerpere in sacra philosophia, qua  
 sitim arcent: quippe cum videamus sophos istos  
 qui maturis frui se solos arbitrantur, aurentibus  
 faucibus, lingua impedita, ingenio hebescente ac  
 caliginoso, gressū que malè nutabundo, in ea sur-  
 sum ac deorsum iactari volutarique: & sapien-  
 tem Athanasij admonitionē sequamur, docentis,

lib. 3. *aduers. Arrianos.* curiosa & accurata persuasione potiore esse fidem simplicē. Potest symbolū referri & ad captiosas spinosas que disciplinas, quæ cum fructu delibari possunt primoribus (quod dicitur) labiis, ita nāque sitim restinguere valent: in quibus tanquam ad Sirenaeos scopulos desiderare atque consensescere, id demum insanum est studium: nam ubi cōres venerit, stupidi, cæci, dulci que veneno ebrii, argutiarum fuligine audientium oculos præstringere gaudent. sed euandida, sanctissima que disciplina nomen ementiuntur interim, ut luculente differit Herodes Atticus apud Gellium, lib. 1. Neque malè vita aulica, huic Adipso arbori comparari possit, quam aliquantisper sequi & degustasse ante maturitatem fuerit non inutile, sed cuius illice succo, ubi maturuerit, plenis faucibus imbui, in eaque non immorari tantum, sed & immori, omnem nostri agnitionem obliterat, mentem sanam exulcerat, fastu inflat, & Pallante (quem liberos suos nunquam alloquio dignatum scribit Tacitus lib. 13.) insolentiores reddit: nam ex infinitis vix unum illic Eutherium inuenias, quem in Constantij Imperatoris comitatu solum integrū, fidei continentia que culto-



cultorem, existisse, Marcellinus commemorat, lib. 16. A superiore, quam primo loco dixi, ratione non abludit fortasse, quod refert Clemens Alexandrinus in Aegyptiorum sacrorum ceremoniis post Cantorem qui principem locum obtinet, sequi Horoscopum flaminem, qui altera manu Horologium, altera Palmam symbola gerebat.

## Emblema XXIIII.

Carmen est hexametrum cum trimetro senarioue Iambico.

PRODITUM est à Plutarcho libro de Iside, Phidiam clarissimi hominis statuarium, finxisse Palladis simulacrum, pedibus prementis Draconem; & alterum Veneris apud Eleos, pede calcantis testudinem: argumento in illa custodia sui, quæ virginem deceat; in hac silentij curæ quæ rei domesticæ, quæ matronam deceant. Draco autem appositæ Palladis (quæ perpetuæ virginittatis honore insigniuerunt poetæ) pedibus substernitur; ut sedulam pudicitia, cui mille tenduntur insidie, curæ virgini incumbere significetur: siquidem

acerri-

acerrima oculorum acie prestare Draco perhibetur: quo nomine thesauris omnibus custodiendis (inter quos aureo velleri, hortis'que Hesperidum) eius operam assignavit antiquitas. Pingitur autem Minerva virginis specie, oculis acribus & glaucis, hastam dextra, clypeum laeva tenens: cuius umbo Gorgonis anguicomae caput praefert, veste ad talos usque demissa, galea caput muniente, subiecto pedibus Dracone, cuius caput hastam attingat; ita enim ferè à Pausania in Atticis, & à Cornuto depingitur. Venus nuda pingatur, ferto myrteo redimita intercurrentibus rosis, Casto, hoc est, baltheo vario & pulcherrimo infra pectus ambiente, dextra tenens tria mala aurea, laeva columbam, pedibus testudinem calcans. Symbolicè nuditate simplicitatem & apertum pectus uxoris demonstrari existimo: per columbam puritatem & blanditias: per aurea mala, casti amoris illicium: per castum, coniunctionem deuinctionemque animorum: per testudinem, & silentium et anxiam rei familiaris curam, quippe cum sommo silentio ingrediatur testudo, domumque suam semper secum circumfert, unde domiportam dixi, ex Cicerone libro de diuinatione

tione



tionē secundo, vbi veteris poëta versam commemorat, enigmaticè testudinē circumscribens, Terrigenam, herbigradam, domiportam, sanguine cassam.

## Emblema xxv.

Hæc germana est & viua Medici Icon: quæ quia propter concisam breuitatem obscurior est & intricatior, libuit eam per dialogismum reddere prolixius pluribus versibus, ut explicatiùs singula paterent.

Qui Deus es? Phæbo satus atque Coronide. habes cur

Sceptrum? agris ut rex impero. quid resides?

Sit sedato animo medicus. quid verticē inumbrat

Laurea? perpes enim viuūt ab arte decus.

Nodoso baculo quid nitere? difficilem artem

Id notat. hinc cur stāt Gallus, & inde Draco?

Cura vigil medicum decet ac custodia. quid vult

Sub pedibus Canis? hoc symbolon est fidei.

Quid ue tegit mentum propexa incanāq. barba?

Longa ætas firmat iudiciū atque fidem.

Aesculapī Apollinis ex nympha Coronide filius, in decorum numerum olim receptus fuit, quoniam

rudem

rudem adhuc & vulgarem medicina scientiam paullo subtilius excoluisset, ut Cornelius Cels. ait: quāquam Trismegistus, interprete Apuleio, medicina repertorem falso nominat. Huius simulacrum variis modis effigiauit antiquitas: nam apud Sicyonios imberbem stetisse, altera manu sceptrum, altera pineam nucem obtinentem, memorat in Corinthiacis Pausanias. in eadem historia refert à Thrasymede Pario exsculptum fuisse Aesculapium in solio sedentem, baculum tenentem manu, altera caput Draconis mulcentem, cum accubante cane. Consentit in multis & Festus Pompeius, lauream insuper illi attribuens. Ego collectis symbolis omnibus, & quasi in unam (quod dicitur) myconum coniectis, talem fermè medici sine Aesculapij Iconem conflaui. Virum grauem pinxero, barbatum, throno infidentem, laureatum, sceptrum gerentem altera manu, nodosum baculum altera, astantes illi hinc Draconem, hinc gallum, stratumque ad pedes canem. Nunc commentis, symboliue rationes subiiciam. Aesculapij nomen haud temerè in medicum competit, quippe cuius sit placidè curare egrotos. id quod Gracis sonat vocis etymon



ἀρετῇ ἡπίως. Barba illi datur velut adulta & longae multarum rerum experientia argumentum. Sedentis imago denotat, sedato animo, neque vagum esse debere: Lauream coronatum existimo, ob eximium et immortale ex arte salutare decus: quanquam Festus eò referat, quòd laurus arbor sit plurimorum remedium. Sceptrum illi cum Pausania tribuo, ut dignitas medici eo representetur, qui Regis in morem agris imperare debet: quo spectat inuocata Galeni, libro primo Therapeutices: medicos sui temporis incusantis, quod mancipiorum ritu agris subseruirent ac obsecundarèt, contra maiorum ab Aesculapio oridum morem, qui velut reges subditis, & veluti duces militibus, praescribebant agrotis quae fieri vellent. Bacillum nodosum tribuit illi antiquitas, ut difficultatem significarent artis plurimis rerum discendarum anfractibus nodis quae difficilibus innolutae: tametsi Eusebius hoc interpretetur agrotorum sustentaculum: & Cornutus libro de natura Deorum, quod medici opera confirmemur, ne tam propere in morbos incidamus: Draconem assistentem dant omnes. Cornutus tum propter diligentiam in curandis agris

egris inſonnem, tum quòd medici induſtria egr  
a morbis veluti reiuuenefcant, ſenium que depo  
nant, ſerpentium more, unde Macrobius, lib. 1.  
Saturnal. Aefculapij & Salutis ſimulacris Dra  
co, inquit, ſubiungitur, quia præſtant vt humana  
corpora, velut infirmitatis pelle depoſita, in pri  
ſtinum reuiſcant vigorem. Præterea conſtat  
ædium ſacrarum, adytorum, oraculorum & the  
ſaurorum cùſtodiã olim Draconibus assignatam  
fuiſſe, cùm quia acutiſſimè cernāt, tū propter inui  
ctas vigilias, quod ſenſit & Feſt. at Plin. lib. 29.  
ca. 4. Draconē Aefculapio ſacrum voluit, propter  
remediorū, quæ illi inſunt, multitudinem. Gallus  
eidem adiungitur, quòd vigilantiffimum ſit ani  
mal: nam ſollicitum & vigilantem medicum re  
quirunt res egroti. Canem illi ſubiicio, vt animal  
fidiffimum. quid autem medicum magis deceat,  
quàm indubitatā fidem, integritatem que egrotis  
ſeruare: quæ res Philippum Acarnanem Alexan  
dro commendatum habuit, licet parricidij crimi  
ne, ſed immerito perſtrictum. neque enim placet  
quod Feſtus ait, ideo adhiberi canem, quòd cani  
no lacte ſit enutritus. quod tamen apud Lactan  
tium etiam legitur.

Heroi-



Heroicum præcedit Archilochium dactylicum dimetrum hypercatalecticum, cuius generis est illa Horatii oda:

*Diffugere niues, redeunt iam gramina campis,  
Arboribus que comæ.*

IN nemine Deorum tam prodiga ingeniorum fuit antiquitas, quàm in Fortuna, ut quæ sola utrâque paginam facere in ratione mortalium fuerit credita. Hinc tot eius cognomina, de quibus alij dixerunt, tot pictura, tot diuersa simulacra; apud Artemidorum libro de in somniis secundo, Cyllindro tereti insistentis: apud Pausaniam in Messeniis polum vertice sustinentis: apud eundem Cornu Amaltheæ gestantis, præfente alato Cupidine: apud Cebeiem & Eusebium in pila sedentis & alata: apud Lactantium lib. 3. Copiæ cornu præferentis cum gubernaculo: apud Plutarchum viscata: ita fortuna varietatis amica, etiam variè expressa est. Hanc Smyrna clarissima Asia ciuitas pedibus carentem exsculpsit, instabilitatis argumento; unde iocus Apellis in Fortunam diuersa ratione sedentem à se effictam, dicentis eam nunquam stetisse: Alatam verò eadem Smyrna sculpsit, ut vagam nulli que perpetuò addictam.

H

Pingi-

*Pingatur itaque sine pedibus, manum extensam  
ita porrigens, ut pēnas suas cōprehendi non sinat.*

Emblema xxvii.

Heroicum est carmen cum trimetro Iambico asclela.

PERSEAM arborem esse Aegypti peculiare  
scribit Theophrastus lib. 4. de plantis, aspectu ve-  
nustam, ingentem, pyro similem cum foliis, tum  
floribus, ramis que: cuius etiam poma, quae copiose  
fundit, magnitudine pyrum representant, specie  
oblonga, amygdalacea, colore herbido, nuce intus  
pruno non dissimili, sed minore multo ac molliore,  
carne dulci admodum ac suavi. Qua ex descri-  
ptione deprehendere licet Perseam, nostra Persico  
esse congenerem, specie tamen dissidentem. Nican-  
dri interpres apud Persas letalem prius, transla-  
tam in Aegyptum, terra mangonio salubrem eva-  
sisse scribit: cuius dictis attestatur non uno in lo-  
co Galenus, & locuples testis Iunius Columella  
lib. 9. iis versibus:

*Stipantur calathi pomis quae barbara Persis  
Miserat (ut fama est) patriis armata venenis.  
At nunc expositi paruo discrimine leti  
Ambrosios praebent succos, oblita nocendi.  
Quin etiam eiusdem gentis de nomine dicta*

*Exiguo*



*Exiguo properant mitescere Persica malo.*

*Quibus ex verbis facile agnoscitur discrimen inter has arbores. Porro nux huiusce arboris dura, turbinata, cordis figura nō absimilis nucleum operit: innuente symbolo sapientiam nucleo assimulatam, operculo duro, reseratu difficili esse operam debere. De hac Plutarchus, lib. de Iside, in hunc modum. Inter plantas quas fert Aegyptus, Perseam eximie præ ceteris Isidi sacram esse voluerunt, quòd eius fructus, cordis speciem, folium, lingua repræsentet: nihil enim inter omnia, quæ homini à Deo data sunt, diuinius est sermone, præsertim qui de Deo instituitur, neque maius ad veram felicitatem momentum obtinet. Hac ille.*

### Emblema xxviii.

*Metrum est Iambicum trimetrum, cui subiungitur Archilochium, quale est Horatij illud in Epodis:*  
*Plecti nihil me, sicut antea, iuuat*  
*Scribere versiculos, amore percussum gravi.*

*ARBOREM pinxero quercum, ut solidioris ligni, firmioribusq. innixam radicibus, qualis virorum principū conditio est, q. priuatorū, durabilior: cui altrinsecus imminet ex atro et turbulento*

calo allatum hominis caput plenis buccis spirans  
 (ita enim ventos pinxere veteres) decutiens'que  
 folia, partim humi strata, videntur licet, partim ca-  
 dentia, paucis adhuc super vitibus in ramo vno  
 aut altero: cuius caudici circumuoluta schedula  
 loquatur dictum istud Italicè: BASTACH' IO-  
 VIVO. Nil mirum est, neque verò absurdum, ar-  
 bori comparari virū principē, quando & Horat.  
 Pompeiū Magnum multitudine pariter atq; ma-  
 gnitudine rerum gestarum clarissimū, allegoricè  
 Ponticam pinū, & Syluæ nobilis filiam nominet.  
 quin & Lucanus poëta eundem Magnum quer-  
 cui silua arborum obseptæ, eadem ratione compa-  
 rat. Princeps, etiamsi de gradu sit exactus diro  
 nouercantis fortune ludibrio; non patitur tamen  
 generosos illos spiritus ita infringi aut pessundari  
 pro cæcæ sortis libidine, ut quidquam auito pro-  
 genitorum suorum stemmate indignum admit-  
 tat: cuiusmodi Gilimerem Vandalorum Regem  
 commemorat Procopius, & nostrū auum talem  
 non vnum protulit. Idem in virum fortem & in-  
 fracti pectoris conuenit, honoribus opibus'que  
 per inuidorum suggestiones exutū, contentumq;  
 in otio paupere delitescere.

Carmi-



Carmini Heroïco subiūgitur Iambicum trimetrum.

APVD priscos Romanos Flamini Diali tanta in religione habitam fuisse hederam comperimus, ut eam vel nominare, ne dicam tangere, in-expiabile nefas existimaretur; propterea quod is frutex vincit atque illigat lubrico palmitum errore, quocūque se applicat, uti Festus Pompeius indicat. Nimirum declarat istud symbolum, sacerdotem castum & ab omni lascivia Venerea quàm maximè alienum esse debere: quando suos amatores ita circumueniunt Veneres & circum-uentos enecāt, ut hedera solet arboreas vires complexu artēssimo vitalis succi inanire. Eidem non licebat annulum solidum aut nodosum digitis inducere: nempe ut ab omni animi angore liberum, neque mali cuiuspiam sibi conscium esse debere ostenderet eum, qui rei diuina vacaret. Pi-ctura postulat profanū aliquē depingi, qui Flami ni siue sacris (Flamē aut pileo insigniebatur, cui virgula oleagina cū pauxillo lana erat superim-posita, cetero habitu nostris ferè similis, lineo ami-culo togæ inducto, vnde Linigerorū nomē) porri-gat hederā, sed abnuēti et vestigiū reducēt; & al-tera manu exhibeat annulū circularē & solidū.

Triometrum Iambicū monocolon, in quo priores duo  
versus reciproci sunt, qui trāspōita à calce dictio-  
num serie transeunt in pentametros, hoc modo:  
*Effere seruili colla repanda iugo*  
*Irrita taure paras molliter excutere.*

NE QVICQVAM sapit & ferre recusat in-  
gum, qui semel admisit: quando & elephantos ius-  
sa facere, & Leones iuga subire videmus, haud  
temerè excutienda. Sero coniungij capistrum acce-  
ptum deplorat maritus, qui semel collum submi-  
sit. Aërem verberat, qui publicis muneribus, qua  
curanda suscepit, ingratis defungi parat. Pictura  
per se clara est.

## Emblema xxxi.

Symbolum istud ingeniosè & luculenter à Nasone li-  
bro Tristium secundo explicatur, ibi.

*Nil prodest, quod non ladere possit idem.*  
*Ignē quid utilius? si quis tamen vrere tēcta*  
*Comparat, audaces instruit igne manus.*  
*Eripit interdum, modò dat medicina salutem,*  
*Quæ q. iuuat monstrat, quæ q. sit herba nocēs.*  
*Et latro, & cantus præcingitur ense viator:*  
*Ille sed insidias; hic sibi portat opem.*

Disci-



Discitur, innocuas ut agat facundia caussas:  
 Protegit hæc fontes, immeritos que premit.  
 Usus rei salutem præstat, abusus necem aut detri-  
 mentum saltem adfert: certè ita demum unum-  
 quod'que aut commodat aut offeicit, prout eo vel  
 utare vel abutaris. Lex eadem alio atque alio  
 sensu accepta, quem gravaret, reum absoluit, inno-  
 centem inuoluit. Quàm sæpe scripturæ membra  
 luxata & veluti assulatim conuulsa, aut in partes  
 confecta, aut commate interstincta, hereticos ar-  
 mant, caussa casuros, ubi loci, unde petita sunt, te-  
 nor expendatur aut attentius consideretur. ita fit  
 ut eundem locum pro sui defensione Marcion &  
 Valentinus adducant; Christianus eundem rectius  
 indubitatus que pro se alleget: hinc tot schismata,  
 tot pestilentes factiones et prioribus sæculis & his  
 nostris inconsutilem illam Christi vestem lacerar-  
 runt. Terra & venenorum & omnis boni parës  
 ac alumna, tot pernicies protulit, quot species: tot  
 dolores, quot colores, ut inquit Tertullianus, lib.  
 aduersus Gnosticos. ita Lucret. inquirens causam  
 cur idem alij sit cibus, alij venenum,  
 Præterea, inquit, nobis veratrū est acre venenū:  
 At capris adipēs & coturnicibus auget.

H 4

quod

quod & Plinius non tacuit, lib. 10. cap. 72. *Venenis, inquit, capra, & coturnices pinguescunt: (ea est enim verior lectio, q̃ qua habet, caprea.) Quin & Aristoteli idem non fuit ignotum. Ad picturæ varietatē pingi potest Helleborus niger, siue, veratrū, quam herbam hinc depasti homines exspirent ac vitam cum morte commutent: inde coturnices aues & capra eo pabulo usæ, vegetæ sint et agiles. Altrinsecus pingatur ignis cui assideat aliquis, ut rigorem expellat: & in proximo, domus incendio conflagrans.*

Emblema xxxii.

Heroicum, cui subiungitur tetrametrum Clodū, siue Episcazon à Plotio dictum, Aristophanium nominat Seruius.

PINGITVR mulier scabello aut tripodi insidens, geminas alas ad modum talarium Mercurij expansas, velut paratum volatui peculium, dextra tenens: laeva testudinem meritò tardigradam à Pacuvio dictam; rursus dextro pede terram premēs; sinistro in altum elato, ita ut dextra expromptam agilitatem remoretur pedis dextri gravitas: rursus que laeva tarditatē adinuet pedis  
item



*item laui alacritas. Mediocritatem auream insinuat symbolum : item que animi moderationem, ne ita efferamur, ut sortis nostrae obliuionem induamus, ne ue iuxta adagium, ita fugiamus ut prater casam. Habet affinitatem cum illo Augusti dicto, Festina lente. Tarditas immodica, praecipitatione castiganda venit : & celeritas nimia illaudata est & vitium habet. Itaque modus omni in re seruandus est : atque ita festinandum, ne vel tardi, vel praecipitis nomen incurras.*

## Emblema xxxiii.

*Iambicum trimetrum Archilochium monocolo, Horatio illi simile:*

*Iam iam efficaci do manus scientiae.*

*VERISSIME dictum est ab Ouidio poeta: Naturae sequitur semina quisque suae: nimirum ita ferme comparatum videmus, ut nihil tam commodè fiat aut dicatur, quod non detorqueat, deprauet, ac sinistrè interpretetur calumniam. Propterea scite & festinè dictum est à Theodoro Atheniensi, cum illi fuisset obiectum, quòd multos sua doctrina deteriores redderet, aliorum id vitio accidere, qui sinistra ipsius doctri-*

H 5

nam

nam acciperent, quam ipse dextra porrigeret.  
*Neque malè sonat vulgatum prouerbiū: Volu-*  
*cres pro suo quamque rostri modulo cantillare:*  
*cū velit innuere improbos non posse non impro-*  
*bè loqui, bonos verò benè. Nenape rosa utilem mel*  
*lificio materiam api suggerit, aranea venenum:*  
*Quam sæpe sit ut dictum innoxium, ac sine fūco*  
*expressum, huic risus & leporis seminarium sit;*  
*illi Vatiniani odij fomes & incentiuum. Scriptu-*  
*ra sacra, inquit Nazianzenus, in prima Steliten-*  
*tice: probis est virtutis armamentum; at scelera-*  
*tis nequitie stimulus.*

## Emblema XXXIIII.

Heroicum Alcmanio siue Archilochio prepositum,  
 quale suprà I x. Embl.

BACCHVS cognomento Psilas, quasi alitem  
 dicas, Amyclis vrbe Laconie exitiali silentio no-  
 bilitata, colebatur. sua namque lingua *Ψίλα* alas  
 vocabant, quò res pexit fortasse Catull. eo versu.  
 At parte ex alia florens volitabat Iacchus.

Voluit autem significare artifex, Vinum, si mo-  
 dus adsit, ut tristitia curā hebetare; ita ingenium  
 agile reddere & alacre, nihilo secius quam aues  
 pennis



pennis euehuntur, uti à Pausania in Laconicis proditum est. Tamen si cum Eubolo sapietiam vino obumbrari dicat Plinius; accedo tamen Plutarchi sententiae, inuentionem & facundiam vino tribuetis, sic enim in symposiacis loquitur: Quidam inter bibendum inuentionis acrimonia & linguae disertitudine, quae in sobriis ieiuna & contracta erat, seipsos superant, ut quae vini feruore, seu nido- re quopiam thureo suffiri atque expleri se sentiunt, metu, qui spiritus generosos cohibebat, explosio: est enim vinum fecundissimum liberè ac proinde ve- rè loquendi alumnus, sine quo nullus est ingenij et industriae usus. vinum calore (ut inquit Plato) & animum & viscera imbuunt. Hinc est quòd Aeschylum nobilissimum poetam non nisi inter calices tragoedias suas scripsisse legimus: Ennium rinosum ad canenda bella profiliisse: priscos heroas inter ca- lices grauissimis de rebus consultasse. Neque verò temulentos, siue, quod idem est, rationis egentes, scripsisse aut consultasse, sed postquam mero inca- luisse vena, ac dispulsa esset illa ieiunitatis se- gnities, verisimile est. Neque alienius à symbolo isto cecinit Niceratus:

Egregio vati vinum sit Pegasus ales.

Pingatur

*Pingatur Bacchus puer, nudus, imberbis, rubidi  
coloris, lato vultu, pampinis redimitus, corniculis  
è fronte promicantibus, corpore non obeso aquali-  
culi instar, sed vegeto & agili, alis extra hume-  
ros exstantibus volucer, altera manu botrum te-  
nens; altera, si placet, scyphum: oculis viuacibus,  
& celum suspectantibus.*

## Emblema xxxv.

*ADOLESCENTIÆ flos non per luxum,  
deses'ue otium deterendus est, sed veris animi or-  
namentis tingendus, siue id in litterarum atque  
artium liberalium studio, quibus etas prima ad  
humanitatē informatur fiat; siue in mechanicis,  
sedentariis, aliis'ue opificiis. siquidem laboribus  
ut duratur virtus atque adolescit in maius; ita  
luxu degeneri que otio exolescit ac diffluit. Labo-  
ribus (quos ubique sanctos agnoscit scriptura sa-  
cra) & vitæ subsidia quærentur, & lata senectutis  
adiumenta comparantur. Labor iuuentæ vi-  
ribus, dum genia virent, conuenientissimus est: at  
senectutem decet feriatum à laboribus otium, re-  
rum que partium usus: Quo spectat laudatus  
ille Ennii poeta versus:*

Sicut



*Sicut fortis equus, spacio qui fortè supremo-  
 Vicit Olympia, nunc senio confectus quiescit:  
 Proinde rectè dictum est à Portio Latrone insi-  
 gni rhetore: Quare adolescens, utere senex; & in  
 eandem sententiam à Seneca: Iuueni parandum,  
 Seni utendum. Pingantur hinc adolescens expe-  
 ditis lacertis, nudo capite, ligone terram proscin-  
 dens: illinc senex abolla pellita suffultus, in folio  
 accumbens ad genialem mensam epulis scyphis-  
 que exstructam.*

## Emblema xxxvi.

Heroicum comitatum Iambico senario.

PAVSANIAS in Corinthiacis commemo-  
 rat apud Sicyonios exstare nobile Veneris simu-  
 lacrum ex auro & ebore sculptum Canachi cla-  
 rissimi statuarij manibus, quæ capite gestet cali-  
 orbes, altera manu teneat papauerii capita; alte-  
 ra malum. Innuere artificem voluisse arbitror Ve-  
 neris in omnia animantia potentiâ, quando & Io-  
 nem suum in varias species mutatum calo dedu-  
 ctum Veneris causa fabulantur poëta. Huc spe-  
 ctant Lucretij versus:

*Alma*

*Alma Venus, hominum diuum' que voluptas, capta lepore*

*Illecebris' que tuis omnis natura animantium*

*Te sequitur cupidè, quò quāque inducere pergis.*

*Omnibus incutiens blandū per pectora amorem*

*Efficis, ut cupidè generatim sacra propagent.*

*Pingatur Venus nuda, myrto coronata, cum pue-*

*ro Cupidine alato, ceco, pharetra & arcu instru-*

*cto, laeva malum aureum tenens, dextra papauera:*

*ad ornatum addi potest quadriga à duobus cy-*

*gnis & columbarum pari numero tracta, cui insi-*

*deat Venus: nam cygnos eam vehere Horatius,*

*Statius, & Ovidius loquuntur, alij huic muneri*

*columbas deputant: Sappho etiam passeret dat.*

*Porro nemo est, qui nescit papaueris vim precipuā*

*esse in sopiendo somnq<sub>3</sub> conciliando, usquea-*

*deo ut copiosiore eius usu inexpugnabilis etiā som-*

*ni necessitas ac veternus inducatur. Venus autem*

*praesertim moderata, iras implacabiles sopit atq<sub>3</sub>*

*remittit, testibus Aetio & Aegineta, ingenij ma-*

*stitiam obliterat, animum sedatum reddit, atra-*

*bile percitos furiososq<sub>3</sub> ad sanam mentē renocat.*

NEMI-



NEMINI ignotam arbitror nucem Pineam, quam superstitiosa antiquitas Cybela olim sacrarat, colliculus quibusdam inaequalem & asperam, ac veluti in gradus quosdā scansilem mirae duritia, qui vix, nisi vi ignis expugnati, in valuas dehiscunt, & lacunatos torulos referant, in quibus nuclei dulces resident, magni ad diuersa corporis mala usus, quos & conos & strobilos nominant peritiores. Hanc insigne, ni fallor, gētilitium olim domi tuæ mihi ostenderas, Tennere ornatiss. quando euocatum à Rege in Daniam, humanissimè excepisti, eo ferè emblemate in instrumentum omne argenteum addito. Cuius ego non aliud ferme symbolum puto, quàm quoddā virtute & eruditione, omni quæ sapientia (quo non temere nisi per labores peruenitur) dulcissimus omnium existat fructus, qui sapienti recordationem actorum laborum longè incundissimam adferat.

Ex

Ex Hieroglyphicis notis, quas ignorabiles Marcellinus nominat, petitum symbolum. Viperæ, inquit Plinius, mas caput inserit in os, quod illa abrodit voluptatis dulcedine. Confirmat hoc Orus Apollo, addita symboli explicatione, in hac verba: Ægypty mulierem suum maritum exosam, vitæ que illius insidiantem, solum que ob concubitum illi assentantem exprimere volentes, viperam pingunt, quæ in coitu caput maris insertum ore complexa, illud morsu truncat. Pictura ratio per se euidentis est.

## Emblema XXXIX.

Alcaicum metrum choriambicum, secundum Seruium, quale est Flacci illud:

Nullam, Vare, sacra vite prius seueris arborem.

PINGATUR columba canea inclusa, cui insidietur atque immineat altrinsecus supernolans aquila. potest autem in superiore pariter & inferiore canea limbo, ascribi hic versiculus:

IL MAL ME PREME, ET ME SPAVENTA IL PEGGIO. Innocentium angustias aptè exprimit symbolū, quos non ita satis tutatur sua tenuitas & rei familiaris angustia, quin mille descri-



*discrimina ab impostoribus & rapace hominum  
genere illos circumstent.*

Emblema .XL.

Carmen est AEolium , à Sappho modis AEoliis dele-  
ctata , frequens in vsu habitum , teste Terentiano  
Mauro, quale memorat istud:  
Cordi quando fuisse sibi canit Atthida  
Paruam, florea virginitas sua cū foret.

NEMO est tam persuntorie in poetarum li-  
bris versatus, cui non suboleat Amorem fingi ig-  
nem esse quēdam occultum, qui cor iecur'ue, pro-  
prium illius sedem insideat, & praesens absens que  
vitalia noctes ac dies depascat , unde illud est de  
Didone dictum. Et caco carpiur igni . Et illud:  
Est mollis flāma medullas. item illud : Quisquis  
amat, vritur igne gravi . atque adeo Xenophon  
ipso etiam igne flammāque torrentiorem illum fa-  
cit , utpote cū ignis tangentem solum vrat &  
vicina depopuletur : hic verò etiam in procul ob-  
tuentes & longo terrarum tractu separatos , ar-  
dentes suas sagittas acuat, quod inquit Horatius:  
Itaque apte faci comparatur, quam & sua flam-  
ma depascitur; & vicinus ignis, cui imminet, con-

I

sumit.

*sumit. Pingatur fax cerea paulatim liquescens  
vi ignis propinqui, & accenso ellychnio ab altera  
parte sese consumens, cui si lubet addi potest Ita-  
lum hendecasyllabum.*

ARDO D' APPRESSO, ET DA LONGE  
MI STRVGGO.

Emblema XLI.

Senarij sunt Iambici acatalectici.

CLEMENS *Alexand. li. 5. stromatũ, refert ex  
Pherecydis Syrii auctoritate Anacharsim Scythã  
pingi solere, laeva manu genitalia operientem, de-  
xtra os compescentem, ad modum Harpocratis  
Aegyptij: eoque symbolo innui, debere nos supe-  
rare utrumque quidem, & libidinem nimirum  
seu voluptatum seminarium, & linguæ petulan-  
tiam. sed hanc potissimum. Laërtius ait statuis  
huius philosophi additam fuisse sequentem inscri-  
ptionem, Lingua, ventri, pudendis impera: quo  
symbolo ostenditur garrulam & effrenẽ linguam  
infinitorũ malorum esse causam: luxu sædius ni-  
hil aut scrophæ dignius: & libidinis incentiuum,  
velut Circeum poculum ex hominibus belluas  
nos facere.*

Aristo-



Aristophanium Iambicum tetrametrum brachycata-  
lecticum monocolon.

IN describenda Sphinge dissentiunt inter se  
auctores. siquidem eam triformem fuisse belluam  
fabulatur Palaphatus corpore canino, facie puel-  
lari, alis volucris, voce humana. Zexes Lycophro-  
nis interpretes leonina specie antrorsum, posteriore  
humana, unguibus gryphinis, aquila alis eam de-  
pingit. Ausonius quoque triformem describit illis  
versibus in grypho ternario:

Terruit Aoniam volucris, leo, virgo, triformis  
Sphinx, volucris pennis, pedibus fera, fronte  
puella.

Psellus in allegoriis biformem facit, umbilico te-  
nus elegante forma puellam; cetera hispida, cau-  
da oblonga, & ferinis pedibus, lingua Atticissan-  
te & Pythagoræ, hoc est, diserta & sapiente:  
Aelianus etiam lib. 12. de animal. cap. 7. διῶν ἢ  
διούρορ biformem & duplici constantem natu-  
ra, ab Aegyptiis effingi sculpiq; commemorat, mi-  
stura leonini & virginis corporis in unum con-  
flata: idq; Euripidis testimonio confirmat. Suffra-  
gatur illi Orig. li. 1. cōtra Cels. dimidia sui parte  
virginis formā prae se tulisse scribens, & Clemens.

*Iam verò Diodorus Siculus, & cum Solino Plinius in Simiarum genere enumerant Sphingas, comis villosas, prominulis mammis, & dociles: qua nihil ad nostrum institutum, nisi quòd fabule bisformis monstri attestantur. Quid dicam quòd Dion Chrysostomus Sphingem allegoricè inscitiam exponit: at Psellus pro homine è dissimilibus constante, siquidem pars nostri rationalem facultatem obtinet, pars brutam naturam sortita est. Nunc ad symbolum veniamus, quod ex Clementis Alexandrini sententià adscribam. Sphinx inquit lib. 5. stromatum, pro delubris statuebatur apud Egyptios, vel quia altis inuolucris operta sit omnis de Deo ratio, & mortalium sensibus obscura atque imperuia: vel quia amare pariter & timere Deum teneamur, ac diligere quidem ut piis mitem & benignum: metuere verò, ut inexorabilem meritoque iustum vindicem scelerum erga impios, siquidem Sphinx humanam pariter & belluinam speciem representat: ut nimirum ferina forma, terribilem eius duritiam & asperitatem in exigenda ab impiis vindicta insinuet, humana, facilem atque obuiam erga pios clementiam. Hanc in symbolo interpretationem secutus*



secutus sum, tametsi aliter exponat Synesius Pto-  
lemaïdos Episcopus longè doctissimus in libro De  
regno, et repetit in libris de Prouidentia, in hanc  
ferè sententiam. Sphingem Aegyptia gens ante  
delubra consecrauit, ut sacrum symbolum coniu-  
ctionis virtutum, fortitudinis & prudentia, dum  
ferina species robur representat; humana pruden-  
tiam: robur namque prudentia duce destitutum,  
temerè citrà que consilium & iudicium rapitur,  
miscens atque confundens omnia: rursus inge-  
nium & industria aut prudentia, quantumuis  
magna, nisi manus habeat administras, inutilis  
est atque euanida. Sed hoc eius interpretamen-  
tum ideo respui, quòd aliud huius rei symbolum  
eadem gens dederit; de quo diximus embl. XIII.

## Emblema XLIII.

UT fulminis, ita & procella eadem est ferè na-  
tura & vis, ut validissima quaque ac renitentia  
sternant, euertant, dissipent. Idem est liuoris inge-  
nium. Contrà arundinem contumacem aduersus  
sauientium nimborum impetus, domitricem que  
ruentis cali videmus, nec aliis armis quàm pa-  
tientia

*tiētia quadam tutam. Neque verò alia est aequitatis animi ratio, quæ inuictō robore desput ac perferendo inuidiam cetera que mala superat, gloriæ immortalis quæstu opulentissima; ubi temeritas succumbit, quàm laudem inuenit, sapius.*

*Qui vitæ honestati innititur fortiter patiens, is et tute viuit, & de inimicis triumphat serio, talique fortuna etiam adiumento esse solet, quod Cornificius dixit. Picturæ ratio obuia est, ubi ventus aliquis tumidis buccis inspirans, ingentes arbores et confringit medias, & reuulsas radicitus profligat, illeso perstante arundinetō.*

## Emblema XLIIII.

PRODICVS Cens philosophus librum conscripsit Horarum nomine, in quo fabulatur Herculem viam ingressum, fortè incidisse in Virtutem ac Vitium; quarum utraque magno studio illum in suos mores vitæ que institutum pertrahere conata fuerint: tandem victum in partes Virtutis concessisse, eiusq; sudores antetulisse insidiosis ac titillatricibus Viti; voluptatibus deliciisq;. Narrationem omnem licet petas ex Xenophote libro  
commen-



commētariorum de dictis factisq<sup>3</sup>, Socratis secundo. Meminit Cicero de officiis lib. primo. Silius Italicus elegāter hanc fabulam transtulit, lib. 15. Punici belli, ad Scipionē, cui de bello in Africam cogitanti, dextra laeuq<sup>3</sup>, adstuisse hinc Virtutē, illinc Voluptatem fingit, addita utrique oratione ad persuadēdum efficaci. Simili ratione Lucian. in somno apparuisse sibi Statuariā et Doctrinam comminiscitur, quarum utraque sui studium illi persuadere conata sit. Simile commentū est apud Poggium de Industria & Pigrizia per somnum cuidam apparentibus. Tendunt omnia ad vitæ institutum delectumq<sup>3</sup>, qui à Deo animarum ephoro seu natura, cū pubescimus, proponitur: id namque tempus aptissimum deligitur ad ingrediendam certam aliquam viuendi viam. Neque verò aliud est Paradis iudicium, quàm delectus adolescentis in persequendo hoc aut illo vitæ instituto, dum aut recta ratio eū ducit ad verorum bonorum, hoc est, Palladiæ vitæ amorem; vel animi affectus vecordia seductus, ad Veneræ & in speciem pulchræ formæ admirationem rapitur & inclinatur, uti vult Proclus Diadochus in Platonicis commentariis.

Hexametrum, cui subiungitur Iambicum dimetrum catalecticum.

APVD Sain inferioris Aegypti regionis metropolin, in vestibulo fani Minervæ sacrati, hieroglyphicum symbolum exsculptum fuisse hoc ordine commemorat Plutarchus in libro de Iside: nimirum Infans, Senex, Accipiter, Piscis, Hippopotamus ordine sequebantur: quo admonebantur à primis vitæ initiis ad extremum usque eius terminum, animis hominum insidere debere, quòd Deo nihil sit magis inuisum atque exosum, quàm impudentia. Accipiter autem Dei significationem habet, quoniam ea avis ceteras antecellit & acie obtutus, & volatus pernitate. Piscis vero odij latentem significationem præfert, propter mare elementum humanæ naturæ inimicum. Hippopotamus denique impudentiam notat, ut qui genitori quoque suo non parcat, eo quæ necato vi matrem ineat. Est autem Hippopotamus siue Equus fluvialis, soli Nilo cognitum animal, corio & pilis vestitum; ut vitulus marinus, quaternis pedibus, ungulis bifidis quales bubus, dorso equi & iuba, rostro resmo, cauda tortuosa & brevis, dentibus aprorum aduncis, animal præ ceteris sagacis-



*sagacissimum, ut quod in arundinetis succis cubile ponit, tramites que à pabulatione auersis vestigiis varios distinguit: & ex voracitate nimia pigrescere se sentiens, arundini præacuta crure impresso, sanguinis profluvium elicit, eaque inanitione sibi medetur. Hæc ferme de Hippopotamo ex Ammiano, Plinio, Solino.*

## Emblema XLVI.

*Carmen est Antispasticum tetrametrum, eius generis quod à Seruio Honorato tali exëplo cõprobatur. Mæcenæ atavis, Lydia quos fert, genite.*

*INTER cetera, quæ leoni seuissimo animali terrorem incutiunt, enumerat Plinius lib. 8. cap. 16. circumactos rotarum orbes, & cantus gallinaeorum, sed omnium maxime ignes. Confirmat hoc Orus Apollo, nulla re magis domari atque frangi leonis feritatem, quam accensis facibus. Ira tumor haud ferme compescitur melius, quam documentis præceptis que celestis philosophia, quæ facis instar mentem illuminat, & ab indomita præcipitis affectus rabie cogitationem auocat, sanæq; doctrina suggestionem munit, & animi tranquillitatem conciliat. Præterea & supplicij*

*metus non iram moderatur modò; sed & ceteros  
affectus velut iniecto freno cohibet. Ira significa-  
tio à tædis non est aliena: nam & definiunt eam  
sanguinis circa cor ardorem, unde Lucret. lib. 3.  
Est etiam calor ille animo, quem sumit in ira,  
Cum feruescit, & ex oculis micat acrius ardor.  
Quod ad picturam attinet, pingatur fax ardens,  
& Leo qui auersetur ignem illum.*

## Emblema XLVII.

Carmen est Alcaicum dactylicum monocolon, con-  
flans pentemimeri Iambica, & gemino dactylo, si-  
mile illi Horatiano:

*Fauete linguis, carmina non prius.*

**PINGATUR** Cernuus pernicissimo cursu fu-  
giens, sed obliquato non nihil collo, sagittâ vulneri  
herentē respectās, ut aliqua ratione doloris sensus  
exprimi videatur. Expressū ex illo Hetrusci poë-  
tæ versu qui etiā non absurdè appingi potest. **DI-  
DVOL' MISTRVGGO, ET DIFVGGIR'  
STANCO.** Qui ager animi peregrinando &  
trans maria currendo doloris fastidium leuare se  
posse sperat: non absimilis est huic Cernuo. nam &  
agrimonia vulnus animo circumfert, & opes at-  
terendo



terendo, ac in ignota incurrendo hospitia, dum  
male tractatur, lassescit, crudelitatem que vulne-  
ris adauget.

## Emblema XLVIII.

Heroicum est Archilochio tetrametro adiunctum.

DESUMPTVM est ex Plutarcho, libro de  
Iside sapius antea citato, ubi sic ait. In Creta Io-  
uis fuit statua, auribus mutila: quo symbolo innue-  
re voluit artifex, principem & qui ius in omnes  
habeat, non debere alicui aures suas mancipio  
dare, hoc est, ita accommodare ut ab illo possessa  
videantur, ut que illarum obsequio abuti queat.  
Nihil perniciosius est quam quod aures in omne  
patentes princeps habeat: id quod Macrobius  
lib. 16. de Constantino Casare predicat, turpem  
tanto Imperatori maculam adspargens; contra  
quam praeclarum acroama & elogium. Iuliano  
lib. 18. idem tribuit illius patrueli, quo predicat  
eum personarum indeclinabilem iusti iniusti que  
fuisse distinctorem: addito & documenti vi-  
ce exemplo laudabili, quod huiusmodi est:  
nam cum Numerius, prouinciae Narbonensis  
rektor, peculatus insimulatus, rationibus crimen  
obiectum facile dilueret, ac Cephidius orator  
hominis

hominis innocentiam acerrimè oppugnaret, in-  
ops que documentorum exclamaret: Neminem  
quenquam nocentem fore, si insitari sufficeret:  
Iulianus sapienter ex tempore subiecit, Ecquis  
tandem innocens erit, si accusasse sufficiet? Non  
alienum hinc est Alexandri Macedonis factum,  
altera manu opposita aurem obstruentis, ut reo  
seruaretur integra.

Emblema XLIX.

Trochaicum Sotadicum trimetrum acatalecticum  
monocolon, quale illud apud Marium Seruium:  
Arua sicca nimbus intrat, ne leti.

CVLEX insectum flammæ splendore mirè  
gaudet: itaque lucernis aduolitat, moxq; exustis  
alis concidit, atque interit. unde & Pyrausta gau-  
dium & interitus, in prouerbum abiit. Non ab-  
similis est condicio amantis, qui inescatus amo-  
ribus, temeritatis suæ fructus metit, & quem de-  
perit, igne perit: quò spectat Aeschylus Tragici poë-  
tæ senarius:

Pyrausta inertem pertimeo necem nimis.

Potuit & pudicus amor huiusce calamitatis  
sensum incurrere, quando Euadnen legimus pra-  
nimio



*nimio coniugis Capanei amore seipsam ultro pyra ardenti iniecisse: Portiam legitimi amoris singulare ornamentum, marito Bruto extincto, ardentibus carbonibus ore haustis, vitam abruptissime, testante Valerio Maximo. Nam Dido se ipsa ferro consumens dubium in utramvis partem exemplum attulit: ita ut pictura per se alioqui manifesta adscribi queat versiculus Italicus:*

*COSI DIBEN' AMAR, PORTO TORMENTO.*

Emblema L.

COMPLECTITVR istud emblema terras precipuas uxoris dotes, nimirum residem domi sua operam ( cuius explicatio xxii. embl. elucescit ) deinde opum mariti industria quasitarum custodiam, postremo linguae continentiam. Pingatur itaque recto corporis statu mulier, dextra clauium fascem pra se tenens; laeva ori opposita, qua specie Angeronia Dea, silentij praesul, prænexo obsignatoque ore figurabatur apud priscos.

ADAMAS

ADAMAS ut inter gemmas facile principatum obtinet, neque mirum; quippe cui vis indomita nomen Græca interpretatione dedit; ita duarum violentissima natura rerum, ferri ignisq; contemptricem vim singulari prerogativa iam olim possidet, atque auctoritate scriptorum veluti mancipi tenet: quando enim incudes, nedum malos ferreos dissilire inusita sua duritie faciat; hinc est quod adamantē (quem opum gaudium præclaro elogio nuncupat Plinius) reliqua vi omni infragilem atque inuictum, solo hircino sanguine, nec nisi recenter à cade feruente, rumpi posse naturalium rerum ventilatores negant. Emblemata desumptum est (ne quis nobis fascinus à maleuolis obrepat, qui candidè nostros labores in publicum proferimus) è librorum Pragæ, quæ Bohemia copiosissima facile & litterarum studiis celeberrima est ciuitas, excusorum frontispicio: uti annulus pala inclusum habens adamantem, decussatim præfert hinc securim Amazoniam; inde trullam ferream igne ardente coruscantem.

TRES



Carmen est heroïcum cum Archilochio dactylico hy  
percatalectico.

TRES sunt capitales veræ laudis ac honesta-  
tis omnis hostes; tres exitiales pestes, Inertia, Gu-  
la, Venus: Hæ nimirum sunt pellaces illæ Sirenes,  
quibus sapientiæ adumbrator Vlysses aures ob-  
struxerat: hæ veræ Gorgones torporem menti  
industriæque conciliantes: hæ ipsissima Harpyia  
animorum pabuli depeculatrices, quæ patria, hoc  
est, mentis bona comedunt, ratione exuunt, ani-  
mi que lumen excacant. Pingatur homo Sarda-  
napali aut Bonosi cuiuspiam similis, ventricosus,  
& obesus, accumbens resupinus in lectulo, suba-  
laribus culcitris innixus, dextram pateram inij-  
ciens in mensa apposita, laeva Venerem expapilla-  
tam contrectans: addatur ad latus Gloria fugien-  
tis specie, retrospectans, et auersa manu veluti va-  
ledicens. Porro Gloriæ purpureus habitus, ut latè  
cōspicius, aut Attalici generis, tribui debet, cum  
laurea corona sempiternitatis teste: cuius plantis  
adiicerem talares alas, ad modum Mercurij: pa-  
ludamentum autem illud purpureum aut χρυ-  
σοβατον linguis oculis que passim adpersum di-  
stingerem; tum quia gloria latè in terrarum  
orbem

orbem dimanat; tum quia gloria celebrẽ omnium  
ora loquũtur, in eundẽ omnium coniecti sunt oculi.

## Emblema LIII.

Metrum est Iambicum tetrametrum monolon.

NEMINI non est in ore vetusti poetæ dictũ:  
*Veritas Temporis filia, quod nimirum tempus in  
lucem proferat veritatem: Saturnum autem pro  
tempore accipi indubitatum est. Iam vero con-  
stat Democritum dixisse quondam veritatem  
altissimo in puteo demersam atque obrutã iacere:  
unde sumpta est fingendi Emblematis occasio.  
Pingatur virgo nuda Veritas, è specu obscuro in-  
ter scopulos umbilico tenus emicans, quam Satur-  
nus libratis in aëre alis volitans dextra educit:  
circumstent hinc inde tres feminea specie pestes,  
Discordia, Calumnia & Inuidia, quæ succinctæ  
& ligonibus instructæ manibus pedibus quæ  
conentur veritatem egesta humo obruere. Nunc  
singulatim personarum habitum ac speciem de-  
mus. Veritas virgo pingitur niueo & simplici, ru-  
gis quæ carente, amiculo induta, puro oculorum lu-  
mine irradians. Calumniam olim ab Apelle pi-  
ctorũ coriphæo ita depictam insinuat Lucian. ut  
ornatu sit pulcro, forma egregia, ad spectũ ardẽte,*  
laua



*laeva ardentem tædam præferēs; dextra supplicem  
 adolescentem per capillos trahens: Inuidia macie  
 lurida pingatur, obliquata oculorum acie, viperis  
 circum caput errantibus redimita, cor' que huma-  
 num ori admouens comedendum. Discordia, siue  
 Litis imaginem dabo emblemate LIIII. Satur-  
 nus autem operto capite pingatur, senis specie,  
 alatus, laeva falcem tenens, aut, ut alij malunt,  
 clepsydræ: Reliqua picturæ pars è superioribus  
 patet.*

## Emblema LIIII.

*SYMBOLVM per se dilucidius est, quàm  
 ut diserto in re clara esse lubeat. quis enim mali  
 omnis parentem discordiã non cecinit, mare calo  
 permiscere doctam? Pictam hæc graphice expres-  
 sit in Satyrarum fragmentis Petronius Arbiter,  
 quẽ magna ex parte secutus, eiusmodi picturam  
 dederim. Pingatur mulier lacrymis oculis opple-  
 ta, scisso capillitio, comas viperis implexas habēs,  
 scabris dentibus & luvidis, sanguinea manu fa-  
 cem ardentem quatiens, quæ pedibus sollem de-*

K

primat

*primat, cuius acrophysion, siue caput fœculum  
propinquum excitet cum fumo & flamma.*

Emblema LV.

*MVSCA, meritò ab Homero impudens dicta; qua nullum animal minùs docile putatur, minoris' que intellectus, impudentes alienæ famæ obtrectatores denotat, aut amulos Zoilos, qui ad benè dicta conuinent, in vitio laui aut lubrico lapsu immorantur, illud' que sug gillant. Apis candidi lectoris exemplum est, qui Musarum prata pernuolitat, & utile mellificio succum depascitur: aut qui Virgiliano more è fimo gemmas colligit ex horridè inscite' que dictis, veneres dicendi conquirat. Pingatur hinc musca iumēto hulceroso insidens, virus' que depascens: illinc apis thymum flores' que delibans.*

Emblema LVI.

*CITAVIMVS in Adagiorum nostrorum octaua Centuria, prouerbiū à Dionysio Longino rhetore vsurpatum, ψυχῆς γλωττόκομον δουλεία, Animi scrinium seruitus: quòd ea sit animi retinaculum,*



*naculum, neque sinat libero nos ore eloqui, & libe-  
 raliter expromere, quæ animo concepimus, addi-  
 Et magnatum seruitio, vel saltem eorum tyran-  
 nide prohibiti, velut iniecto ori freno, cum liber-  
 tas eloquentiæ nutrix sit ac parens. Nimirum ea  
 tyrannis ab antiquissimis temporibus inoleuit à  
 principibus usurpata, volentibus flagitia sua vir-  
 tutum velaminibus regi, perfidiam specioso fidei  
 fūco induci. Ea fauendi vitii consuetudo, vñ sta-  
 bilita, atque in mores recepta, ingenia scribentium  
 seruitute degeneri ita corrumpit, vt nihil sit ab hac  
 parte sani, vt sacrosancta illa historiarum fides  
 penitus interierit, vt illaudatos Buses & porten-  
 ta caelestibus propè æquemus. Inde excogitata fuit  
 ingeniosa illa pœna et animaduersio, qua libri in-  
 cendio absumi iussi sunt Senatuscōsulto in Impera-  
 torum, ne dicam orbis pestium, gratiam; quod de  
 Labieni scriptis memorat Seneca, de Cremutij  
 Cordi Tacitus. Emblemata petitū est ex Philostrato  
 in Scopeliani sophistæ imagine, qui deprecatus  
 operam à Clazomeniis imperatam, qua domi lu-  
 dum aperiret, respondet, Lusciniam in cauea can-  
 tillare. Pictura per se euident, lusciniam cauea  
 inclusam, postulat, sed desidem, non volucrem.*

DION aurei oris cognomine celebratissimus  
 Gracis philosophus & orator, in Diogene siue de  
 famulatio, Emblematis istius occasionem dedit,  
 ubi diuites onerosa famulorū turba stipatos, Iūlis  
 (chenilles Gallicè, nisi fallor; millepedas multipe-  
 das'ue Latina lingua nuncupat pilosos vermes ar-  
 cuatim progredientes) assimilat: qui etsi pedum  
 agmen infinitum moueant; reptilium tamen sunt  
 facile tardissimi: ita enim sonant eius verba, εἰ τὸ  
 πρᾶγμα ὁμοίον τοῖς ἰούλοις, οἱ μυρίους πόδας ἔχοντες,  
 βραδύτατοι ἐστὶ τῶν ἐρπετῶν. Nō absimili ratione  
 triremes Paridis, quibus Helenam petebat, ob-  
 remorum ordinē multiingum, ἰουλοπέζους, quasi  
 Iūli instar gressiles appellat. His aptissime Crassi  
 nostri Torquati Mancipii locupletes, & Tantali  
 fame conturbatrice nobiles comparantur, qui an-  
 satis lateribus platearum spatia complent, pellitis  
 abollis & ferarum tergoribus hirsuti, fractōque  
 incesu superbi, multitudinem affectantium mini-  
 strorum puerorum'que ponē & utrinque attra-  
 hunt. Millepeda non ignota forma est, ac proinde  
 obuia pictura ratio, nisi quòd venustanda illius  
 gratia adiici superiore in tabula margine torqua-  
 tus aliquis multo comitatu superbus possit.

INGE-



INGENIVM & industria quid non valet,  
 quid nō penetrat, atq. pervadit? quo si accedat assi-  
 duitas sedula et indefessa, crebris operis eandē in-  
 cudē nocte diuq. tundētibus, operi instans, na tū  
 rotundū nescio quid et absolutum (cuiusmodi or-  
 bicularis ille scientiarū ductus promittit) existat  
 inde necessum est. *Vetus illud ac veritati consonū*  
*est: Crebris ictibus quercū deiici, cōtinua atq. in-*  
*fatigabilis diligentia argumēto, quòd difficillima*  
*etiā quaq. ea via superentur adeò & perficiātur;*  
*Herculeis ac Theseis laboribus omnia quamuis*  
*ardua, calū deniq. ipsum, pateāt. Verè ille, Labor*  
*improbis omnia vincit. Palis & stipitibus, quos*  
*fistucæ adegerint, telluris ipsius solum, & ē dos à-*  
*σπαλès (ut Hesiod. canit) pertundi videmus. Has*  
*tibi sublicas, Susianæ quidem familiae insignia, sed*  
*easdem pertinacis industriae symbola, animo in-*  
*gas velim, Petre fili, ne torpor hinc te renocet, in-*  
*de desperatio ad summa euadendi deiiciat; quin*  
*potius iusta emulatione ad domestici exempli glo-*  
*riam laudisq. hereditatē adspires assiduo studio,*  
*quod nocturna diurnaq. manu tractatum, cūctas*  
*tibi difficultates, velut propitia quadam Lucina,*  
*pervias aperiet.*

AVCTO-

## AVCTORVM NOMINA E

QVIBVS PROFECIMVS, ET QVO-

RVM TESTIMONIO SVMVS VSI.

Aelianus.	Dionysius Longinus.
Aërius.	Dioscorides.
Albericus.	Epictetus.
Alcaeus.	Epigrammata Græca.
Aeschylus.	Eraſmus.
Ambroſius.	Eusebius.
Ammianus Marcellinus.	Festus Pompeius.
Apuleius.	Fulgentius.
Aristeas.	Galenus.
Aristophanes.	Gregorius Nazianzenus.
Aristophanis interpretes.	Harpocration.
Aristoteles.	Hermes Trimegiſtus.
Artemidorus.	Herodotus.
Athanaſius.	Hesiodus.
Au. Gellius.	Homerus.
Aurelius Victor.	Horatius.
Aufonius.	Hugo Cardinalis.
Catullus.	Hugo Eterianus.
Cebes.	Ioannes Stobæus.
Clemens Alexandrinus.	Isocrates.
Cornelius Celsus.	Iunius Columella.
Cornelius Tacitus.	Iustinus Martyr.
Cornutus.	Lactantius.
Diodorus Siculus.	Laërtius.
Dion Chrysostomus.	Lilius Gyraldus.
Dionysius Arropag.	Lucanus.

Lucianus.



Lucianus.  
Lucretius.  
Lycophron.  
Macrobius.  
Marius Plotius.  
Marius Sernius.  
Martialis Episcopus.  
Martialis poëta.  
Nicandri interpres.  
Nicephorus.  
Oppianus.  
Origenes.  
Orus Apollo.  
Onidius.  
Paulus Aegineta.  
Pausanias.  
Petronius Arbiter.  
Philes.  
Philostratus.  
Pindarus.  
Plato.  
Plinius.

157  
Plutarchus.  
Portius Latro.  
Proclus Diadochus.  
Procopius.  
Psellus.  
Qu. Curtius.  
Sappho.  
Seneca.  
Sillius Italicus.  
Solinus.  
Statius.  
Strabo.  
Suidas.  
Synesius.  
Terentianus Maurus.  
Tertullianus.  
Theophrastus.  
Valerius Maximus.  
Vitruuius.  
Xenophon.  
Zezes.  
Zoroastres.

152

EXCVDEBAT CHRISTOPHORVS  
PLANTINVS ANTVERPIÆ, ANNO  
M. D. LXV. IDIVS MAII.



HADRIANI  
IVNII MEDICI  
ÆNIGMATVM  
LIBELLVS,

A D  
VIRVM CLARISSIMVM,  
ARNOLDVM ROSENBERGV M  
IVRISCONSVLTV M.



ANTVERPIÆ,  
Ex officina Christophori Plantini.  
M. D. LXV.

2



CLARISS. VIRO ARNOLDO  
ROSENBERGO IVRISCONSULTO,  
HADR. IVNIUS MEDICVS S. D.



EXTA tibi numeris latebrosa Aenigmata  
mitto,

Quæ dextra enodes Oedipus arte nouus.

ROSENBERGE decus Charitū, Musæ-  
que nouenæ

Rarum ornamentum, præsidiumque meum:

Nempe quaterdenos, cum quatuor, ordine griphos:

Ad numerum tenebris lux rediuiua venit.

Sic Ariadne filo duce fugerat olim

Aegides latebras, cecaque tecta domus.

Prima tenet Calamus gracilis: <sup>1</sup>Nix algida: mollis

<sup>2</sup>Spongia: cumque <sup>3</sup>Manu, thus <sup>4</sup>Libanotis olens:

<sup>5</sup>Ignis edax: <sup>6</sup>Echo resonans: assertor <sup>7</sup>Iesus:

Cum <sup>8</sup>Cereris potu, mollia <sup>9</sup>Vina simul:

Fictilis <sup>10</sup>Olla: <sup>11</sup>Vitru fragile: et nux <sup>12</sup>Castana: <sup>13</sup>Taur<sup>9</sup>

Hinc sequitur: foetens <sup>14</sup>Matula: <sup>15</sup>Rana loquax:

Instabile <sup>16</sup>Argentum viuum: <sup>17</sup>Pappique volantes:

Turgidulum <sup>18</sup>Cerasum: pendula <sup>19</sup>Arancola:

Tardigradus <sup>20</sup>Cancer: <sup>21</sup>Paries & structilis: adde

<sup>22</sup>Clyisma aluum ducens: <sup>23</sup>Aurea mala super:

<sup>24</sup>Campanum æs: <sup>25</sup>Limaxque piger: <sup>26</sup>Ceruique fugaces:

<sup>27</sup>Pileolus capitis: Veliuoleque <sup>28</sup>rates:

Et <sup>29</sup>Membrana, tenax quam cera obsignat aratam:

Mollis <sup>31</sup> Charta: agilis <sup>32</sup> pes: volucrisque <sup>33</sup> Pila.  
 Hinc <sup>34</sup> Vespertilio sese ordine stridula iungit:  
 Et cum dentato <sup>35</sup> Pectine, dura <sup>36</sup> Silex.  
 Post agmen claudunt <sup>37</sup> Morum: <sup>38</sup> Canis impiger: atque  
 Sol <sup>39</sup> candens: simul huc, <sup>40</sup> ceree Lichne, subis.  
 Coniugis <sup>41</sup> & votum, cui vincla iugalia sordent:  
<sup>42</sup> Temporis usura: & <sup>43</sup> Cos sine fine rotans:  
<sup>44</sup> Prurigo imponet mordax Colo phona libello,  
 Qui nostra in lucem prurit abire manu.  
 En tibi materiem, quæ pangitur ordine, libri,  
 Qui rerum exponit nomina luce data.  
 Haud alio tenuis mea nunc tibi Musa litabit:  
 Complacat magnos vel mola salsa Deos.  
 Disce favere orsis, auram adspirato secundam:  
 Quod cecini, nitida fronte benignus habe:  
 Neu fallas nugis tua seria; tunc breue volues,  
 Cum madidus cenam soluet Iacchus, opus.



EST mihi forma teres:cauus,at non peruius aluus;  
*Quem medium nodus spissa medulla secat.*  
 Porrigor in caudam;cui barbula vestit utramque  
*Oram:qua volucrisum vice remigij.*  
 Exsanguis,de carne tamen satus,huius alumnus:  
*Nec nisi carnosò vellor ab usque sinu.*  
 Iam truncus capite,& diffissa cuspide sectus,  
*Proluo me succo,Sepia nigra,tuo,*  
*Vsus abest lingua,tamen illa exerceo parte*  
*Ius necis & vitæ:tristia bella sero:*  
 Compono'que animos:regum iras mitigo & armo.  
*Atro felle mea aut spicula melle madent.*  
 Hoc potior lingua;sine me moritura quòd huius  
*Sit soboles:nostram sæcula longa manent.*  
 Illa etiam solas præsentis manat ad aures;  
*Nostra vel immenso,quâ patet,orbe sonat.*

Aliter, sed è Gallico idiomate.

ME gignit nutrit'que caro,de carne reuellor,  
 Carnis abest species,nulla est substantia carnis.  
 Artus crescenti inualidi,muccosa'que origo.  
 Truncatus'que caput,madidum bibo cuspide rorem,  
*Quo Genij leti aut irati semina prodo.*  
 Fas perago atque nefas:facilis bona,parua'que sector.  
 Dissidij ac pacis sum Regibus auctor:amantes  
 Concilio:moderor mentes,& tempero curas.  
 Sæpe simultates idem qui concito,soluo.  
*Quæ que velim sciri,totum diffemino in orbem.*  
 Criminis ipsè exfors,multi sum caussa laboris.  
 Dicam te Oedipoden,si quid sim,nomine prodas.

## II.

*Candidor cygni plumis, sum filia Brumæ,  
Dura minus glacie, sed nec minus algida: fungo  
Rarior, ac fluidum in laticem tabesco tepore.  
Signo nouem, fuerit si littera prima recisa:  
Cor mihi si iungas, vix est auis attrior vlla.*

## III.

*Tethyos vndifonæ mediis ego nascor in aruis,  
Mè que cauernosam fistula crebra forat.  
Non inuita graui lenis impleo viscera succo,  
Quem reuoluo exsorptum pollice pressa prius.  
Peniculi que loco mensas extergeo mollis,  
Et rapio sordes, vlcera que exanio.*

## IIII.

*Porrigor in ramos quinos, & quilibet horum  
Diditur in triplices nodos; nisi quintus egeret  
Vno, qui solus respondet robore cunctis:  
Vndique colliculis surgo, in vallem que resido:  
Ast abaci, desit si forte, ego munia præsto.*

## V.

*Thuris odorati de me salit halitus; unde  
Natales nostrum nomen sibi vendicat ortus.  
Prodiga que nimium nostri, per vulnera vitam  
Effundo, digitus nisi det carpendo medelam.*

## VI.

*Ex me nata Sophi perhibent primordia rerum;  
Vltimus & rerum finis & orbis ero.  
Omnia consumo, nostrum neque nomen abhorret  
Ipse Deus: lenius mobilis que nihil.*



ÆNIGMATA.

VII.

*Delicia Panos, prolis Cephisia amores,  
Conualles adamo, porticibus' que vapor.  
Indocilis, prior ipsa loqui, aut reticere loquenti:  
Asspecta dictorum, & vocis imago vocor.*

VIII.

*Dicito, quale putes nomen, quod recta columna  
Inchoat, inde tridens fuscina nectit idem:  
Flexus utrinque uncus secat: hinc biuij nota: claudit  
Idem uncus medio, qui stetit ante, loco.*

IX.

*Nomine sum vini non digna; vicem tamen huius  
Impleo, dum cerebri vitrix percello cauernas;  
Illud Sol radians, me Mulciber excoquit: amne  
Gignor, alit' que Ceres madefacti farris aceruis.*

X.

*Do vires, adimòque, & origo nominis à vi:  
Ingenium exacuo, pectora soluo metu:  
Me gignit Tellus: rutilo sol concoquit igne:  
Mox ventrosa tegunt dolia, praela vomunt.*

XI.

*Stat currente rota fictus canus alueus, vda  
Argilla ductus, Mulciberi in gremio,*

XII.

*Aëris excludo, tempestatum' que malignam  
Vim, transmitto tamen lucem, non persfluo: Bacchum  
Accipio gremio: nostròque fideliter aluo*

## H A D R. I V N I I

*Assyrios nimbos, fragrantia' que unguina credas.  
Lumina confirmo, speculi' que exerceo munus.  
Quin auri nostro pretium concedat honori,  
Malleolo si fortè sequax, & ductilis essem.*

## X I I I.

*E S T mihi dura caro, rugosa veste voluta:  
Includor corij tegmine Phænicei.  
Exterius Natura hirtio munivit Echino:  
Mensam orno, panis dum vice soluo famem.*

## X I I I I.

*Signiferi sidus, Cilicum mons, Pasiphaës' que  
Nobilis infessor, vector Agenoridis.  
A me nomen habet gens quæ tulit Iphianassan  
Fœdantem Scythicæ sacra cruore Dea.*

## X V.

*Inuentum lasciuia putor, Sybari, esse tuorum:  
Fictilis aut st anno, aut Cyprio sim fusilis ære.  
Vtibus humanis nil me magis utile, quamuis  
Vilius haud quidquam, nec me despectius exstat.*

## X V I.

*Vox mihi rauca aures radit, sum garrula lingua:  
Vltia sub sterili mollia regna colo:  
Vita' que vere nouo rediuiua recurrit in artus,  
Candidæ aui, gracili cruribus, esca petor.*

## X V I I.

*Haud temerè inuenias grauius quidquam, attamen una  
Mobilitate viget: si vinculis exeat artetis,*

*Labitur*



Æ N I G M A T A.

*Labitur in partes mille, & reparatur in unum  
Rurſus: idem immutat ſpecies rerum atque colores.*

X V I I I.

*Dum iuuenilis adeſt vigor, eſt graue: mox' que ſeneſcta  
Succedente volat leuiter ſine prapete penna,  
Et prætexit humum tenui ſub polline tectam.*

X I X.

*Rubra mihi cutis eſt: latet intus vineus humor:  
Os pro corde gero, ſemen at illud habet.*

X X.

*Uſus abeſt manuum; ducens pede ſtamina texo:  
Aluus lanigera fertilitate ſcatet.  
Cum pedicas muſcis, ſcutulatum rete, faceſſo,  
Concedunt tramis ſerica fila meis.*

X X I.

*Zodiaci gemino munitum forcipe ſignum,  
Pugnantem Alciden mordicus appetij.  
Et teſtudineo greſſu ſeror octipes: æquor  
Innato: ſum ſædum, luſtiferum' que malum.*

X X I I.

*Calce coagmentor, quadrato marmore ſurgo:  
Defendo nimbos, fulcio tecta domus:  
E demas, Idæ paſtor, iudex' que Dearum,  
Exitium Troie, clarus adulter ero.  
Tollito P, curnu ſerio, ruo moenia, calum  
Orno, Helles vector, victima grata ſacris.*

\* 5

X X I I I.

*Ibidis inuentum Pharia, ventris' que morantem  
Immisso rostro depleo prolunniem.*

*Me vigil Hesperia serpens custodit ore:  
De fuluo color insignis, nomen' que metallo  
Fluxit: natura est dispar, cui viscera frigent,  
Exteriora calent: grato'que embammate mensis  
Expetitur succus, conditur pyxide corpus.*

*Malleus illisu insultat mihi; mox ego motum  
Aëra percello, & patulas dilabor ad aures:  
Clepsydra melius properantes metior horas:  
Cogo hominum cœtus, tonitrus fugo, tempora signo.*

*Ex ossis, pedibus cassus, non horreo spinis,  
Próque oculis implent cornua bina vicem.  
Ex sanguis, quaqua incedo tractu illino mucum.  
Latifer est mihi, sal hostis & exitium.*

*Corniger, ac timidus, pedibus' que figacibus Euro  
Ocyor; at furias mi citat alma Venus.  
Lassus, aqua vires reparo: Spadix' que colore,  
Cornicis supero sæcula longa quater.*

*Libertatem olim dederam, nunc arceo frigus:  
Materies fuerant pili, nunc lanea fila;*



Æ N I G M A T A.

*Aut etiam tramæ, Seres quas arbore pectunt.*

XXIX.

*Filia pinifera silvæ, levis innatat aquor,  
 Aluo grande tamen per mare vectat onus:  
 Linigeroque sinu ventis famulatur, & iras  
 Neptuni ridens humida regna secat.*

XXX.

*Anser, apis, vitulus, rerum potiuntur, & orbis  
 Tergeminum brutum frena superba regit:  
 Res similis monstri, condigna interprete, qualis  
 Thebigene nodos soluere Sphingis amet:  
 Membranam vitulus præbet, calamosque canorus  
 Anser, apes stipant cerea dona vagæ:  
 Fasque nefasque tria hæc obeunt, dum tergora chartæ  
 Penna arat, obstringit cera notata fidem:  
 His humana tribus diuinæque iura reguntur,  
 Omneque momentum hoc cardine terna trahunt.*

XXXI.

*Scetilis in tenues membranas candida lamina,  
 Conflata ex atomis, quos lintea fragmina reddunt  
 Diffusa in limpham, exilis quos ficina cogit:  
 Inde coactilibus stipor; mox arida sole,  
 Præbeo me calami diffissa cuspidè arandam.*

XXXII.

*Metior, ingredior: tendoque & carbasa laxo:  
 Nec moduli, aut versus me sine stare queunt.*

XXXIII.

## H A D R. I V N I I

## XXXIII.

*Glabra foris, pilosa intus, specie' que globosa,  
Exsilio, quanquam mi pedis usus abest:  
Aëreas' que carens pennis volitabo per auras:  
Et vires crebro pulsa resumo novas.*

## XXXIII.

*Est mihi de sero deductum vespere nomen:  
Ala mihi cutea est, plumá que mollis abest.  
Sola animum pario, soli vbera lacte tumescunt:  
Aspera sunt soli dentibus ora mihi.*

## XXXV.

*Buxea materies, numeroso' que ordine dentis  
Distincta, implexam diuido caesariem.*

## XXXVI.

*An grauius quidquam est, vel durius? attamen ignis  
Hinc saliant scatebra, fonticuli' que leuis.*

## XXXVII.

*Primum albus pallor, ruber hinc cruor inficit ora,  
Mox succum euinco, sepia pulla, tuum.  
Ultimus erumpo, aë inter matureo primos:  
Est genitrix sapiens, nomine stulta tamen.  
Assyrios inuenum monumento testor amores:  
Vinosi laticis rore placere queo.*

## XXXVIII.

*Corporea languent vires, rimis' que fathiscunt  
Arua, agrum nostra vi rotat ora pecus.  
Religione pia coluit Pelusia tellus,*

*Nostra*



Æ N I G M A T A.

*Nostra fides cunctis obsequium' que placet.  
Nos tamen infamat tumulto Priameia coniux,  
Atque incesta Helene nomine abusa meo.*

XXXIX.

*Rerum oculus cunctis, candens saxum esse putabar  
Nonnullis, discus' ue, aut lucida lamina ( tanta  
De me pugna Sophos exercuit ) huic pede maior  
Non videor; telluri alius me exaequat inertī.  
Attamen vnus ego lustro, gigno, excoquo cuncta.*

XL.

*Stuppa medulla mihi; labor ast apis ingeniose  
Scapus mihi est: ab igne flammam mutuo.*

XLI.

*Olim dedi, quo tunc carebam, munere;  
Datum tamen, possideo nunc, atque id colo.  
O si diem illum Iupiter bonus vehat,  
Quo non haberem, quod darem alteri tamen.*

XLII.

*Est, cuius cunctis aqua est data copia: cuius  
Ex equo egemus infimi atque maximi.  
Quid, quod idem nimium huic, aut parçè suppetit illi,  
Vt quisque rectè secius' ue eo vititur?*

XLIII.

*Sum Terræ soboles: radiati Solis imago  
Forma' que: libratam geminus me sustinet axis:  
Attenuor, tenuoque simul; celeri que rotatu  
Perpluor impulsâ, & vires adspergine sumo.*

*Omnia*

HADR. IVNII ÆNIG.

*Omnia fecundans, elementum absumo; vomôque  
In mediis (dictu mirabile) fluctibus ignem.  
Quin nuda omnigenis occurso durior armis,  
Obiectos que domo lacera cute certius hostes.  
Quid, quod & arcessor, quamvis innoxia, cadis?*

XLIIII.

*Carnea sulcetur si glebula corneo aratro,  
Non mel dulce dabit, sed feret acre piper.*

ALITER.

*Agrum caueto carneum ne vomere  
Arare pergas corneo: pro mellea  
Semente, mox reponet vrens tibi piper.  
Cupido eandem dulcamarus vim tenet,  
Pro melle felleum propinans poculum.  
Fœdare strictis unguibus cutim caue,  
Assiduus est Pruriginis comês Dolor.*

γλυκυπικρὸς.

FINIS.

SVMMA PRIVILEGII.

PHILIPPI Regis Hisp. &c. Ducis Brab. &c. Priuilegiis cautum est, ne quis ante sexennium citra Christophori Plantini voluntatem, Emblemata & AEnigmata ab Hadr. Iunio Medico conscripta imprimat, aut alibi impressa importet, venaliâue habeat, intra omnes ditionis eius fines. qui secus faxit; confiscationis librorum, & pœna fisco Regio exsoluenda, multabitur: vt latius patet in ipsis diplomatis; quorû alterum datum Bruxellæ: Anno, M. D. LXV. vi. Ianuar. Subfig.

De la Torre

Alterum verò XII. Martij. Subfig.

De Perre.



SVMMA PRIVIL. IMPERATOR.

MAXIMILIANI III. Romanorū Imperatoris semper Augusti publico edicto cautum & sancitum est, nequis cuiuscunque status, gradus, ordinis, aut conditionis fuerit, quacumque sacri Romani Imperij & ditionis eius fines patent, quæcunque probatorum auctorum opera, quotquot vel hætenus nondum impressa, vel ab alijs quidem impressa, nouis autem deinceps scholijs, annotationibus, aut commentarijs aucta & illustrata Christophorus Plantinus cuius & typographus Antuerpiensis primus typis procuderit, intra proximum sexennium à prima cuiusque operis aut voluminis editione, vlllo pacto eiusdem vel diuersi characteris forma excudat, aut excusa ab alijs intra eiusdem Maximiliani & Imperij fines vendenda importet, seu quouis modo distrahat manifestè vel occultè sub pœna decem Marcharum auri puri, quarum dimidia fisco Imperiali fraudis vindici, residua verò pars pre-nominato Plantino cedat, præter librorum ad imitationem impressorum amissionem: quos idem Plantinus vbiq̃ue locorum nactus fuerit per se, vel suos, adiumento Magistratus loci, vel citra, propria auctoritate sibi vendicare, inque suam potestatem redigere poterit. In cuius rei fidem edicto manu subscripsit & sigillum apponi iussit Cæsarea Maiestas. Datum in ciuitate Viennæ Austriæ, die vigesima prima mensis Februarij, Anno Domini millesimo quingentesimo sexagesimo quinto: Subsign.

*Maximilianus*


Ad mandatum sacræ


Cæs. M. proprium.

Haller













467





ROBERT W. WOODRUFF  
LIBRARY

Manuscript, Archives, and Rare Book Library



Paul Bernard Seydel  
Memorial





